

四庫全書

史部

欽定四庫全書

史部

殊批諭旨卷二百九下

詳校官尚書臣德保

編修臣裴謙覆勘

總校官中書臣朱鈐

校對官監丞臣張曾炳

謄錄監生臣王思謠

欽定四庫全書

硃批諭旨卷二百九上

硃批楊永斌奏摺

雍正八年二月二十四日湖南布政使臣楊永斌

謹

奏爲恭謝

天恩敬請

聖訓事竊

臣

天末庸才至微極陋由順天府大城縣呈

誤知縣欽奉

皇上特恩賞給官職効力行走數年之間洊加拔擢至膺郡符旋陞貴東道茲復荷逾格

天恩授以湖南藩司重任自顧何人膺斯異數惟有勉奮駑駘以仰答

聖主高厚於萬一伏查湖南民欠厰礦苗疆三事皆爲

應辦緊要之件

臣

到任後訪聞民欠項內多有侵

蝕包攬諸弊現在詳明督撫將積欠最多者委員

清查其餘交於地方官清查做照督臣邁柱清查

沔陽州之法分別官吏侵蝕紳衿包攬與實欠在

民三項減其火耗立限催輸并出示曉諭如有自

首侵蝕者酌量從寬責令分限通完臣不時稽察

委員毋令紛擾地方至廠礦苗疆二事臣在貴州

跟隨雲貴廣西督臣鄂爾泰辦理稍知規模昨督

臣鄂爾泰由廣西回黔道經長沙臣將廠務苗疆

事宜備細稟商復蒙指示臣已將應行辦理之法

稟請督撫轉爲奏

聞在案惟是任大責重臣才識疎淺克副實難伏祈
但肯矢志效法鄂爾泰之居心行事朕復何慮勉之
恩賞訓誨俾得知所遵循庶得上報

主恩下供職守臣更有請者臣自雍正三年補授貴州

威寧府知府五載以來未獲一覲

天顏犬馬依戀之忱時切於中今臣查受藩庫交代事

畢可否容臣輕騎赴京瞻仰

聖顏跪請

訓旨伏候

聖裁俞允施行謹

奏

爾甫經接任受事正在整理之際何必徒爲無益之往來即使來京見朕面加訓誨者亦不過殫心實力循分盡職黽勉效法鄂爾泰事事不欺不隱此數語而已遵旨勉力爲之可也

雍正九年五月十二日調補廣東布政使

臣

楊永

斌謹

奏爲恭謝

天恩敬請

聖訓事雍正九年四月二十三日蒙湖廣督

臣

邁柱湖

南撫

臣

趙弘恩牌開准部咨雍正九年四月初一

日內閣奉

上諭湖北巡撫員缺著廣東布政使王士俊補授廣東
布政使員缺著湖南布政使楊永斌調補王士俊久

任粵東於地方事務甚爲熟練楊永斌到粵王士俊
一一交代講論明白再赴湖北之任等因欽此欽遵

轉行到臣隨恭設香案望

闕叩首謝

恩外伏念臣一介微陋蒙

皇上特恩拔擢授以楚藩重任雖捐糜頂踵未足仰報
高深正在隨同撫臣趙弘恩於地方一切事務勉力整

理今復荷

隆恩調任粵東間

命自天感激無地現在一面將湖南藩庫錢糧事宜逐

一清交新任藩司張璨接受聽候撫臣盤查

題報

臣

卽起程星赴粵東新任但海疆重地一切治

理較之湖南更爲繁要藩司一官任大責重

臣

材

質疎庸克副實難伏懇

皇上恩賜訓誨庶

臣

知所遵循得以上報

主恩下供職守免致隕越爲此繕摺恭謝

天恩敬請

聖訓謹

奏

王士俊久任廣東於吏治民情甚爲熟練卽命伊巡撫
粵省豈不駕輕就熟但粵省向來各立門戶文武不和
而文武之中又各互相黨庇此風因楊文乾方願瑛二
人而起方願瑛實罪不容誅其黨甚固如觸其藩籬必
百計報復而後已斯乃汝所當知而加慎者王士俊亦

被習氣所染不能超然出類若命撫粵豈特無益在伊
自多牽制掣肘朕所以用爲湖北巡撫也汝今往莅粵
藩當思革化頽俗時自檢察慎勿被所誘惑至於民情
較之湖南尚易爲治然邊海巖疆盜風甚熾率多嗜利
輕生必須大費一番心神方收成效能事事效法鄂爾
泰之居心精勤不懈何務不克整理勉之莫負朕委任
之恩若開礦一事粵東斷不可行惟以嚴禁爲是非可
將順民情者王士俊日前奏請開採經朕再四諭止未

知曾向汝道及否此數節係粵省緊要大端皆朕素所洞悉先以諭汝其餘地方機宜遇汝摺奏之便隨時逐事自當一一指示也

方願瑛大姦大詐沽取虛名阻撓實政至今仍有爲其稱寃之人汝當知之凡爲稱寃者卽係黨友須加體察朕豈枉誅方願瑛之主耶朕於方願瑛從未識面何嫌何怨之有此種情形朕御極已歷九載其中隱微實能了悉無疑汝將此諭密之親友間概不宜言惟令巡撫

鄂彌達知之汝二人同心協力整理可也亦轉囑鄂彌達加慎加密毋致洩露一人爲此再諭

雍正九年十月二十五日廣東布政使

臣

楊永斌

謹

奏爲恭繳

硃批奏摺事竊

臣

以庸陋凡材荷蒙

聖恩調補粵東藩司海疆要地罔識遵循隨卽具摺恭

請

聖訓於七月二十七日家人齋回

臣望

闕叩首跪讀

硃諭天語煌煌訓勉諄至感激蟻忱中心震悚欽遵

諭旨密與撫

臣

鄂彌達看訖

臣

查粵東地方向因楊文

乾方願瑛牴牾以致各立黨援文武不和而文武

中又相互異方願瑛實罪不容誅幸蒙

皇上睿照如神將方願瑛下獄究治今

臣

到任後時時

省察竝未有爲方願瑛言寃之人又再四密訪方

願瑛之黨實已渙散至於通省文武臣悉本至誠相待宣布

皇上和衷

聖諭共相勉勵各員見臣開誠體公亦各傾心現在情形較之從前實覺改觀若再加調劑自可革化頽俗也再查粵東瀕海之區向來劫竊頻聞近日較前稍息惟韶州府屬乳源曲江等縣之柳坑瑤人素爲盜藪現今議於柳坑山場設汛彈壓俾防守

整嚴盜蹤自杜也又開採一事臣向在湖南時卽

聞粵東廠礦甚多而難於開採昨至粵東曾向王

士俊問及據云經伊具奏蒙

皇上訓誨諄切未曾舉行在王士俊仍有可開之意但

總之

臣爲粵東地方多盜且米穀又非雲貴粵西價平省

分可

臣細揆情形粵東山海交錯實爲盜藪一經開採

粵東

臣趨利之徒必多甚至姦匪藏入爲非所宜慎慮誠

如數省

如平減時聽其開採何須禁止也

聖諭開礦一事粵東斷不可行惟有明白曉諭嚴禁私

挖私煎以靖地方謹此

奏覆并繳原奉

硃批一摺再粵東地方遼濶

臣

到任甫經兩月餘全省

利弊尚未周知另容悉心查確次第陳

奏合并聲明伏祈

皇上睿鑒謹

奏

嗣後再具奏摺差人齎至大學士張廷玉處轉奏

同日又

奏爲請定鐵鍋出洋之禁以杜姦弊事竊照鐵器一項所關綦重不許出境貨賣律有明禁況近有廢鐵亦可鎔製兵械本年奉有定例止許內地變賣若捆載潛出邊境及海洋者照越販硝磺之律分別治罪立法已屬周詳但臣查粵東地方因向來出產鐵鍋凡洋船貨買歷未禁止臣到任後檢查案冊見雍正七八九年造報夷船出口冊內每船

所買鐵鍋少者自一百連至二三百連不等多者
買至五百連并有至一千連者其不買鐵鍋之船
十不過一二查鐵鍋一連大者二箇小者四五六
箇不等每連約重二十觔若帶至千連則重二萬
觔臣思此項鐵鍋名雖煮食之器其實一經鎔煉
各項器械無不可爲每年販出外國誠有關係以
臣管見嗣後此項鐵鍋應照廢鐵之例一體嚴禁
毋論漢夷船隻概不許貨賣出洋違者卽照捆載

廢鐵出洋之例治罪如此則外洋之鐵不致日積
日多於防姦杜弊之道似有裨益是否有當伏乞
皇上睿鑒謹

奏

此奏甚是足見留心地方庶務

雍正九年十一月二十三日廣東布政使

臣楊永

斌謹

奏爲奏

聞事竊

臣

到任後知有姦匪李梅結黨散劄事發在逃

一事隨卽嚴飭地方官員留心密查本年九月間

經督撫二臣委令理搖同知龐嶼前往羅定一帶

密同地方文武訪拏得楊士元及夥黨盤陳養陸

運明溫良賓等供出本年三月內有陳漢同吳世

友廖洪受從廣西藤縣五屯所白石寨陳美倫家

領有唐太祖的劄付來散給上有羅平聖號字樣

及仙掌八卦圖樣每張要銀三兩六錢等語稟報

到臣隨會同臬司稟商督撫密飭龐嶼選差設計

相機誘拏去後復經撫臣鄂彌達添差弁兵前往

白石寨等處協同密拏茲於本月十二日拏獲陳

美倫等一千人犯押解并起有木印挖銀符書單

札前來臣等隨在撫臣內署公同究訊俱各取供

在案查各犯雖藉道教名色鼓惑愚民但既稱有

年號又立有公田名色符劄私自封官單據結連

聚黨潛謀爲匪大屬不法今首犯陳美倫雖已就

獲而餘黨陳漢等尚未弋獲并供出之玉龍太子
以及林茂清錢珍均難寬宥業經督撫二臣密札
廣西撫臣嚴行查拏勿令漏網其陳漢等亦現嚴
行拏究外總俟獲到各要犯之日臣等再行公同
確審聽候督撫核奪另行請

旨緣事關姦匪重情理合繕摺密封奏

聞伏乞

皇上睿鑒謹

奏

察獲姦匪甚屬可嘉員弁兵役俱當格外獎賞

雍正十年四月初一日署理廣東巡撫

臣楊永斌

謹

奏爲恭謝

天恩事雍正十年三月二十七日蒙廣東督

臣郝玉麟

撫

臣

鄂彌達牌開准部咨雍正十年二月十五日

內閣奉

上諭廣東巡撫印務著廣東布政使楊永斌署理欽此
欽遵轉行到臣隨恭設香案望

闕叩首謝

恩外竊

臣

天末庸才至微極陋由呈誤知縣叨沐

殊恩賞給官職數年之間忝加拔擢由湖南藩司調補
粵藩重任雖捐糜頂踵未足仰報

高深今復荷

聖恩命

臣

署理廣東巡撫印務自顧何人膺此異數聞

命自天感激無地伏念巡撫表率全省封疆任大責重
臣受

恩愈深圖報愈難惟有刻自兢惕誓矢公忠實心任事
以答

主知以報

高厚於萬一耳臣再有請者臣自雍正三年補授威寧
府知府引

見以後歷今八載犬馬依戀之忱時切於中今又蒙

主恩畀以重任自維才質疎庸恐難克副惟恭請

聖訓指示庶得知所遵循伏乞

皇上容

臣

輕騎赴

闕瞻仰

聖顏跪聆

訓旨所有微

臣

感激蟻悃除俟接印後恭疏具

題外謹先繕摺專差家人恭齎赴京交大學士張廷

玉轉

奏恭謝

天恩敬請

陛見伏乞

睿鑒俞允施行謹

奏

覽奏謝知道了勉之莫負朕知遇之恩地方緊要豈可
遠離陛見之行茲且不必汝旣署理撫任此後奏摺徑
自齎進毋庸交大學士轉呈矣

同日又

奏爲奏

聞事竊粵東正二三月晴少雨多

臣

恐有礙東作不時

留心體察據各屬回報竝訪諸近城農民僉謂粵

東山海之區每遇春來雖多雨水然易於消退非

西潦泛漲可比各屬圍基安穩間有高處所種之

麥亦已收割目下春夏之交天氣清明正在栽插

不足爲慮等語

臣

卽飭經管水利各員多備樁木

土方督率圩長業戶預防西潦外查現今米價較之上冬畧爲增長每石六七錢至一兩零不等

臣

以省會人煙稠密需食甚繁隨諭南番兩縣各將糶三倉穀減價發賣以平市價

臣

又慮四五月內

正值青黃不接之時兼因奉准福建督臣及南澳

鎮臣咨移各差員弁商販赴粵採買必致價益騰

貴

臣

卽商之撫臣動支關稅羨銀一萬兩委員赴

粵西採買米穀旋據委員報稱粵西米穀價值亦

與粵東相等

臣

又再四體訪聞本省茂名電白陽

江各縣出產米穀緣地方偏僻少有客商搬運以故價值頗賤於前項關稅羨內動支五千兩分發各地方官據報已照時價買全但係經由海運必須風信順便四月中旬可以運到

臣

思有此米穀既可以聽閩澳之採買亦可以平本省之市價不虞民食維艱也本年二月內欽奉

諭旨因京師自上冬以及今春未得雨雪令大學士九

卿等恪慎齋戒至誠祈禱殫職奉公至於該省督撫
等各自敬謹修省先事圖維倘二麥歉收必有思患
預防之策不使黎民有乏食之虞等因欽此臣查粵
東地勢低窪種麥無幾已經收竣其早晚二稻依
時蒔插目前雨暘時若將來定獲豐登兼粵東通
省常平倉貯一百九十二萬石之多社倉穀一十
五萬石有零臣自當先事預防殫力策畫上副
聖心下利民生也誠恐有塵

聖懷理合恭摺奏

聞謹

奏

據奏業已採買米穀可以預防不虞朕懷深慰

雍正十年五月二十七日署理廣東巡撫

臣

楊永

斌謹

奏爲恭請

聖裁事竊照粵東一省在在海洋水師官兵巡哨全憑

戰船堅固而戰船又賴旋纜維繫是旋纜實爲一
船根本所關綦重聞浙省戰船每隻設旋三門一
遇洋中風浪驟發三門並拋船藉安穩至於纜索
藤纜易於脆裂不若梭纜之綿固可經牽扯粵省
外海繒船拖風各船有設旋三門者亦有止設兩
門者其纜索有用梭者亦有用藤者臣於布政司
任內蒙督臣郝玉麟飭令查議各船應否添旋一
門及改換梭纜有無利益船隻經臣移詢各鎮協

營去後嗣俱准覆稱添掟一門併改換樓纜則官兵船隻藉保安穩裨益實非淺鮮等語異口同聲移覆前來臣隨核算通省約共需工料銀六千兩有零正在議詳間而督臣郝玉麟奉旨調任閩省未及議請

題奏臣思掟纜爲戰船安危所繫官兵身命所關既有見知何敢壅於上

聞可否准於各船修造之年將向來設掟二門者再添

設一門及將藤纜改換檣纜以利舟師仍歸案估
報

題銷伏乞

皇上睿裁施行謹

奏

所奏甚是已交該部議行矣

同日又

奏爲奏

聞事竊查粵東今歲春夏之交天氣清明民間依時栽
插園基穩固經臣奏

聞在案自四月以來晴多雨少五月初五日後晴雨相
半各屬園基安穩無事目下禾苗茂秀將來定獲
豐收惟因青黃不接之際米價比前畧增自七八
錢至一兩零不等省會人煙稠密日食頗繁幸前
日所動關稅羨銀五千兩於電白茂名陽江各縣
採買穀石已運到省現在陸續平糶價銀隨即歸

項又有南番二縣平糶倉穀及西省穀船接濟民
食無缺再閩省臺灣土番滋事聞已就縛恐有餘
孽逃竄查南臺地方與潮州府之澄海等處頗爲
切近臣已密囑文武各員加意密防稽察毋得滋
擾居民地方相安無事臣恐有塵

聖懷理合一併奏

聞謹

奏

覽奏禾苗茂秀民食無缺朕顧念粵東之懷釋矣

同日又

奏爲恭繳

硃批敬請

聖鑒事竊臣前於藩司任內恭繳

硃批併奏粵東礦廠宜嚴加封禁一摺欽奉

硃批總之爲粵東地方多盜且米穀又非雲貴粵西價
平省分可比所以不得不嚴禁開採當以此意曉喻

之假若粵東民風丕變人人皆知力田務本米穀充裕價值亦如數省平減時聽其開採何須禁止也欽此

臣查粵東不乏可墾之土因民間不勤稼穡以致米穀不能如雲貴粵西等數省之平易臣仰體皇上重農至意督飭屬員勸導粵民務勤耕作盡力開墾其高亢之區不宜禾稻者則令樹藝豆麥亦可

以資食用至附城陸地及山麓偏坡雖不能播種糧食尚可栽植樹木今俱閒棄實爲可惜

臣令番

禹縣買桐樹試種於土性頗爲相宜已經成活臣

現在購買桐子令地方官倡率指畫勸民栽種可
以獲利別項木植隨地土之宜聽民酌種禁飭兵
民踐伐其可種糧食之地仍飭不得棄本逐末併
將從前欽奉

皇上勸民務本力農及栽種木植歷次

諭旨敬謹刊刻分發州縣散給里民務令家喻戶曉力
勤耕植以收地利以謀衣食不得坐待饑寒迫身

流入匪類再查惠潮兩府戶口較繁他郡人民不
務本業爲尤甚從前趨利之徒多於各處礦山私
挖甚至叢聚爲匪近因稽查嚴密雖已渙散但必
俾有恒業庶得永無滋事茲因大官田新設縣治
委員丈荒給墾惠潮無業之民紛紛投至臣會商
署督臣鄂彌達悉令墾戶招爲佃民又墾戶分墾
之外餘剩二十頃臣首先倡率同司道公捐資本
分給前項無業之民墾種諭令各安耕作毋再甘

蹈法網將來似可不致竊挖滋事此外各屬俱現
無礦徒臣仍加意稽察不敢少懈其前項田畝將
來成熟每歲可收官租千餘石查省城向有粵秀
書院現爲義學教習生童請歸入作爲膏火之資
事屬兩益至粵東士子文藝庸陋品行卑污且不
諳官音雖前經欽奉

諭旨著地方官訓導又雍正六年定例諭令有力之家
先於鄰省延請官音讀書之師教其子弟轉相授

受以八年爲限如不能官話者生童舉監暫停送試俟官話習會之時再各准其應試奉

旨依議欽遵在案但粵人皆狃於積習歷今四年仍未

能漸移

臣

擬將粵秀書院捐資修葺倣照大學士

鄂爾泰前任雲貴總督時在昆明書院教士之法

將學臣歲科兩試所取優等生員品行端方者每

學撥二三名赴書院肄業在於鄰省延請老成篤

行之士爲之教習砥行課文每月

臣

與督臣各課

試一次加以訓勉俾知立身行己尊

君親上之義每人月給膏火之資於前項官租內取給
科舉之後散歸本籍另將新學臣歲科所取者照
前撥入肄業如此合一省之優生訓誨造就三年
之間文行既得以交修官音亦易於學習及至散
歸本籍復可轉相授受陋劣者亦可知所勸勉矣
但臣庸淺之見所辦各務未知是否有當伏乞
皇上俯賜訓誨所有原奉

硃批理合恭繳謹

奏

所辦各務皆屬是當嘉悅覽焉勉之

雍正十年七月初十日署理廣東巡撫

臣

楊永斌

謹

奏爲恭報早禾收成分數仰祈

聖鑒事竊查粵東早禾閏五月內正當結實之時雨水
勻足穀粒飽滿有至五六穗七八穗不等者迨六

月初旬刈獲已遍民情歡悅咸慶盈寧據署布政司黃文煒將各屬收成分數彙報前來查各府州屬早禾分數自十分九分以及七八分不等現在米價每倉石自五錢四五分起至八錢一二分不等六月十五日以後雨水調勻晚禾栽插已遍俱皆茂盛地方寧謐民樂豐登所有各屬早禾收成

細數

臣

謹另摺分晰恭呈

睿鑒爲此謹

奏

覽粵東早禾收成分數曷勝欣慰之至

同日又

奏爲奏明遵

旨驗看量材題補官員事竊臣荷蒙

聖恩簡署撫篆准署督臣鄂彌達密交鈔錄大學士張

廷玉蔣廷錫寄信一摺內開字寄廣東督撫雍正

九年十二月初一日奉

旨據焦祈年奏稱番禺縣艾塘司巡檢李藻才力強幹
查緝姦匪不遺餘力經督臣題陞縣丞因格於部議
仍留該司供職又惠來縣葵潭司巡檢黃繩中才具
敏練彈力查緝此二人實係才識兼優實心效力之
能員等語爾等可寄信於廣東督撫將李藻黃繩中
確加驗看如果可用著該督撫量材題補欽此遵

旨寄信前來等因鈔錄轉交到

臣臣

隨會同署督臣將

李藻黃繩中確加驗看查黃繩中才具敏練緝捕

勤謹實係雜職中卓越之員能勝縣任今揭陽縣
現在出缺恭懇

聖恩卽以黃繩中陞授實爲人地相宜又查李藻才力

強幹捕盜有方前經調任督

臣

郝玉麟題補番禺

縣丞格於部議隨另選東莞縣縣丞王守創調補

在案但查番禺縣縣丞駐劄南村地方爲沙灣茭

塘兩司交界適中要地實係濱海盜藪必得強幹

之員方克勝任王守創雖辦事維勤而隨機緝捕

非其所長李藻前署番禺縣丞盡心查緝地方寧謐頗爲有效如蒙

聖恩仍准以李藻補授番禺縣丞以王守創補授現出之歸善縣縣丞缺實爲人地相宜於緝捕盜賊甚有裨益臣與署督臣意見相合除將黃繩中李藻另疏會

題外所有臣等遵

旨驗看量材題補緣由相應會同署督臣鄂彌達恭摺

奏明伏乞

皇上睿鑒謹

奏

覽奏知道了具題到日有旨

同日又

奏爲奏請

聖裁事竊查粵東一省徵收民屯糧米支應本省兵食
內有解省解營水陸程途俱需腳費又交倉盤運

不無折耗因從前未經議定耗米數目各屬濫行
加徵多寡不一其地處衝繁之州縣多浮徵耗米
以湊應地方公務之費而里戶輸納亦有產同賦
異之懸殊經前署撫_臣傅泰檄飭司道會議畫一
飭遵去後嗣據前藩司王士俊糧驛道陶正中詳
稱約計通省支解米糧需費數目均勻畫一加耗
議以每額米一石准加收耗米一斗六升內除鼠
耗三升併遞年修補廩座墊宣等項需費米三升

外尚餘耗米一斗作爲運腳之費足敷通省辦解
公用計粵東通省除番禺東莞等三十四州縣衛
所額徵屯糧皆有屯耗報出已於遵

旨議奏事案內報部不加耗米外尚有通省民屯本色
米二十五萬三千一百七十八石零共應徵收加
一脚費米二萬五千三百一十七石八斗零又徵
民屯折價米二萬八百九石零共應徵收折價耗
銀一千八百八十三兩零內除通省各屬共應支

脚費米一萬二千九百五十六石脚費銀一百五十四兩零又扣解通省各屯應徵演礮火藥銀二百兩外尚剩餘米一萬二千三百六十一石零餘銀一千五百二十八兩零再從前衝繁州縣多浮收耗米以湊應地方公務今既畫一加徵此外顆粒不許浮收未免較前拮据若將此存剩之米准其量留數百石以公濟公似亦妥便所有衝繁之南海番禺三水高要四縣應請量留米六百石其

次衝繁之曲江保昌英德清遠四縣應請量留米
五百石其餘銀米悉令起解司庫以充通省公用
等因經前撫臣鄂彌達批允飭遵在案嗣因惠州
府屬之歸善縣地方衝要差使繁多請援照保昌
等縣之例酌留耗米五百石以應公務又通省各
縣驛流徒人犯因日食不給往往沿鄉乞食乘間
脫逃經司道議詳於前項餘剩耗米內每名日給
口糧七合約計每歲需米千石有零亦俱經前撫

臣鄂彌達批准在案茲復據署布政司黃文煒糧驛道陶正中據廣南等各府詳據所屬各州縣詳稱或道府同城公務殷繁或地當孔道差犯絡繹一切夫役口糧舟車扛轎等項向無額設經費從前州縣往往派之里戶供應今私派禁革懇請倣照南番等縣之例分別酌留耗米以供支應等情據該司道覆核分別地方衝繁稍簡議詳前來查據開各州縣衛應留米石連前詳准南番等九縣

酌留之米及分給流徙口糧通省實需耗米一萬二千三百二十九石九斗尚剩耗米三十二石零又興寧縣請添支前議不敷運費銀八十三兩零尚餘耗銀一千四百四十四兩零俱請遞年照解司庫以充公用等因具詳到臣等臣等伏思此項米石原係腳費餘剩今照該司道議詳量給各屬以應公務則官無墊應之艱民無派累之苦官民咸沐

皇仁浩蕩於靡旣矣但

洪恩出自

聖主非

臣

等所敢擅便

臣

謹會同署督

臣

鄂彌達恭摺

具

奏伏乞

聖裁謹

奏

耗米一項乃汝等督撫酌量辦理之事如應咨明該部

咨部存案可也

雍正十年九月初十日署理廣東巡撫

臣

楊永斌

謹

奏爲奏

聞事竊粵東自入夏以來晴雨調勻早禾豐收業經

臣

具

奏在案自七月後至八月底雨暘愈加順時晚禾更爲茂盛茲據各屬將穀穗送驗前來穎實堅好飽

滿光潔間有一莖至二十餘穗不等者此皆由我

皇上敬

天勤民重農務本故能致此休徵臣等覽閱之下不勝歡

忭除通省收成數現在另行查明彙摺

奏報外所有晚禾茂實及雨暘情形合先繕摺奏

聞伏乞

皇上睿鑒謹

奏

此皆卿等忠誠任事有以上感

天和之所致於朕無涉地方督撫之賢不肖實招

上天災祥之應其速如響然卿等之臧否卽朕之臧否也
豈可分析爲二際斯休徵歡忭且置要當倍加寅畏期
共勉之

雍正十年十一月初四日廣東巡撫

臣楊永斌謹

奏爲恭報晚禾收成數仰祈

聖鑒事竊粵東自七月以後雨暘愈加順時晚禾尤爲

茂盛嘉穀蕃昌萬民歡悅茲據廣東布政使甘汝
來將各屬晚禾收成分數彙報前來查廣州南雄
韶州惠州潮州肇慶高州雷州廉州瓊州等府羅
連等州各屬晚禾收成分數自十分九分以及七
八分不等各屬米價自五錢起至八錢零不等又
據各屬送到瑞穀自一莖雙穗以至七穗一本自
二穗以至一百二十九穗自四五尺以及長至一
丈一尺不等歲登大有民慶盈寧

臣謹將各屬所

報晚禾收成細數另摺分晰恭呈

睿鑒爲此謹

奏

覽奏晚禾收成分數不禁以手加額也

雍正十一年三月初四日廣東巡撫

臣

楊永斌謹

奏爲奏明動項安插貧民仰祈

睿鑒事竊照粵東惠潮等處生齒日繁無業貧民資生

無策每偷挖礦山輕蹈法網荷蒙

皇仁廩念

命_臣等悉心辦理安插之法業經_臣等查明鶴山新縣

及近省各縣荒地諭招有力商民承墾將無業貧民招爲佃戶給以廬舍口糧俾令耕種樂業已經安插者計有三千餘戶復經_臣等

奏定本省因公呈誤人員招佃報墾開復之例現在遵行緣惠潮貧民續來就業者絡繹不絕目下鶴山境內及各興墾處所尚有未經安插無業之民

應卽爲安頓俾無失所而有力商民與呈誤人員
止可聽令隨時報墾前項貧民未能久待臣等查
肇慶府屬恩平開平二縣交界地方有土名九崗
坪一帶荒地約二萬五千餘畝平坦可耕以之安
插貧民每一戶丈給荒地二十畝令其耕種可以
安插一千二百餘戶緣該處水源稍遠臣等委員
查估引水開塘築室授食并牛隻籽種各費分別
水旱每畝約需銀七八錢不等共約需銀二萬兩

查藩庫內有前署撫臣傅泰

題明於關稅羨餘銀內酌存墾耕工本銀四萬兩原
係戶部咨覆給借無力墾戶按年扣還之項可以
動支給借前項貧民俾作耕本俟墾耕成熟之日
遵照部文分限三年扣還解部仍分別水旱照例
起科如此則現在貧民得速就安插而荒地獲成
膏腴於地利民生大有裨益矣除將動支工本銀
兩各緣由咨明戶部外所有動項安插貧民情形

相應會同督臣鄂彌達繕摺

奏明伏祈

皇上睿鑒謹

奏

覽

日前朕有所聞業經降諭矣於此奏內仍將窮民覓食
他省情形隱而不露甚屬不合

同日又

奏爲要地需員彈壓請添設同知以便吏治民生事
竊照廣東省城洋商賈舶雲集而一應貨物俱在
南海縣屬之佛山鎮貿易該鎮綿延十餘里煙戶
十餘萬五方雜處易於藏姦緣距縣治五十餘里
南海省會附郭治理繁劇一應稽查鞭長莫及向
設有五斗口司巡檢一員職分輕微不足以資彈
壓臣察情形必得一大員駐劄稽查庶爲嚴密應
請設立同知一員駐劄佛山鎮鑄給關防專司督

捕稽察一切姦匪及賭博私宰私煽鐵爐等項仍隸廣州府統轄如此則彈壓得宜稽查嚴密於地方大有裨益至該鎮旣設同知無庸復需巡檢查平洲一堡煙戶千餘人丁繁庶港汊多岐路通林岳石碇各村莊與順德縣地方接鄰爲匪類出沒之所應請將佛山巡檢移駐平洲以資巡緝洵屬得宜

臣爲地方緊要起見與督臣會商意見相同合先具摺請

示倘蒙

皇上俞允卽繕疏具

題

臣謹會同督

臣

鄂彌達具

奏伏乞

皇上睿鑒謹

奏

照所議具疏題請

同日又

奏爲籌畫海疆積貯仰祈

睿鑒事竊照南澳地方爲粵閩鎖鑰孤懸海島地隘人稠向來仰食於粵省之潮州府揭陽等縣及閩省詔安等縣但涉歷海岸風汛靡定一遇商運愆期米穀陡長兵民口食維艱緣向未設有地方官並無倉貯米穀緩急可恃雖南澳鎮標設有營倉存貯倉穀二千石僅可接濟兵食勢難兼及商民今蒙

皇上俯念海疆重鎮

俞允設立粵閩海防同知彼地既有文員駐劄誠宜籌畫積貯以期裨益兵民查潮州府存倉穀五萬石有零揭陽縣存倉穀四萬二千石有零均可酌撥勻貯若於粵閩同知衙署鄰近空隙地面建造倉廩二十間卽於潮州府并揭陽縣等倉各撥穀五千石運往存貯倉內該同知專司料理一遇商運愆期米價昂長一面詳報一面開倉量減市價平

糶俟有米穀運到卽行停止所糶價銀令該同知
遣親信家人赴潮郡附近價平州縣買穀運回還
倉不必拘定秋收買補所需運費於贏餘價值內
銷算仍責成惠潮道盤察實於海疆地方大有裨
益臣行據布政司議覆相同現在飭令估計建倉
工料俟估冊到日於建造粵閩同知衙署案內附
疏會

題請

旨所有臣籌畫積貯事宜謹先繕摺陳

奏伏祈

皇上睿鑒謹

奏

具題到日有旨

雍正十一年五月初八日廣東總督臣鄂彌達巡

撫臣楊永斌謹

奏爲奏

聞事竊查粵東地方本年自春徂夏仰賴

皇上福庇雨暘時若高下田畝早禾十分暢茂惟南雄
府城逼近大庾嶺下本年四月十八日庾嶺內蛟
水陡發溪河迂折疏洩不及水勢驟湧丈餘漫及
府城之南該府率同在城文武分頭救護城外近
山之民悉令移就高處將低窪無山之處及水城
內居民皆渡載入城安頓臣等聞報卽飛委廣南
韶連道馮元方等星往會同府縣查明被水各戶

確數立即動支府庫急需銀兩厚加賑卹務令窮民得沾實惠去後茲據該道等具報十九日水勢即退歸河二十日消退如舊分頭查勘水城內外及沿河村莊保昌縣坍塌房屋一千八百一十八家傷人口七名水城城垣坍塌數處共百餘丈始興縣屬亦坍塌房屋七十七家人口無傷幸水勢驟長驟消田禾俱已退出如舊無礙收成已將被水最甚房屋全塌之五百餘家各賑銀四兩其坍

塌一半者七百餘家各賑銀三兩其不及一半者
五百餘家亦各賑銀二兩俱係挨戶確查宣布

皇仁督同實給被水之民均沾實惠現在修葺房屋照
舊安業竝無失所等語前來除飭令將城垣估計
修理并將所動銀兩俟冊到核明於藩庫公項內
撥給補貯外所有該府被水情形臣等已詳慎料
理可無上廛

聖懷謹將緣由繕摺奏

聞伏乞

皇上睿鑒謹

奏

被水戶口實力撫恤務令各得其所勿俾一人致有向隅之泣

廣東巡撫臣楊永斌謹

奏爲奏

聞事竊照潮州府饒平縣已革武舉余猗因窩賊不法

斥革枷責該犯挾恨冀圖報復囑黨陳阿蘭糾合
黨羽陳阿幼等軟血結盟欲打開府署搶刦潮州
府城東門行舖事發被拏余猊復令陳阿蘭糾合
夥犯羅謂玉陳奇和等囑其刦獄相救羅謂玉等
復糾人拜把欲候余猊等審明發回之日中途搶
刦下海逃避亦被訪查拏獲經臣等先後奏
聞併將一千人犯審擬具

題在案惟陳阿蘭一名係兩次代糾夥黨之要犯脫

逃未獲經臣等嚴飭府縣設法密拏勒限務獲去
後茲據潮州府轉據海陽縣稟報於本年四月初
三日據差役獲到陳阿蘭前來除飭令會差兵役
押解來省究審具

題外所有拏獲要犯緣由臣謹會同督臣鄂彌達繕
摺奏

聞伏祈

皇上睿鑒謹

奏

要犯就獲可嘉之至官役俱當亟加獎賞示勸

同日又

奏爲敬陳修整軍器仰祈

睿鑒事竊

臣

自到任以來於

臣

標兩營兵丁每逢三八

日期親督將弁勤加操練竭力整頓勸懲互用如

馬兵內有弓馬生疎者降爲步糧卽於步兵內有

漢仗技藝好者拔補馬糧其弓馬技勇精熟差委

效力多次者賞給銀牌絹足以示鼓勵遇有頭目
把總缺出卽行拔補以期人人奮勉現今軍容技
勇較前可觀惟是軍裝器械有向來缺額未備及
執用年久宜加整理者如兩營帳房共止有四十
頂且已舊爛其鑼鍋歷來未置又盔甲旗幟鳥鎗
牌刀等械均需添造修理伏讀本年二月

上諭內開古云兵可百年不用不可一日不備如馬匹
軍裝礮火器械軍營必需之物一一皆預備於平時

及有事調撥便可刻期起行不致拮据延緩令該管大臣加意整理欽此仰見我

皇上慎重軍旅整飭武備之至意

臣欽遵

諭旨傳同將備將

臣

標兩營軍裝器械確加估計核實

整辦齊全需銀一千五百兩查

臣標前蒙

皇上恩賞生息銀六千兩自雍正七年起至雍正十年七月底所得利息除每月賞兵之外尚剩銀三千七百三十九兩除已於敬籌各標生息銀兩案內

將本銀六千兩併所剩利銀三千兩歸入一十三萬兩數內借給鹽商生息外尚存剩銀七百三十九兩又雍正十年八九兩月分鹽道衙門尚有未解利銀三百六十兩二共存剩銀一千九十九兩目今賞給兵丁吉凶銀兩已有按月派定鹽商利銀足供支應其存剩之銀實屬贏餘之項正可供整辦軍器之用其不敷之數臣自行捐墊現在飭令將備慎選工匠逐一製造添整務皆堅實銳利

齊全無缺設遇調遣得收實用以仰副

聖主修明武備之至意除俟工竣登記冊案飭發將備

照例流傳交代外所有臣動項整理軍器緣由相

應繕摺

奏明伏乞

皇上睿鑒謹

奏

能於無事時整飭武備更能於不意處發擿匪類亦可

謂知所先後者矣

雍正十一年六月初一日廣東巡撫臣楊永斌謹

奏爲奏

聞事竊粵東自入夏以來晴雨順時禾稻豐茂目下早禾正在陸續登場各屬米價日就平減茲於五月二十八日晚間近省沿海地方吹發颶風大雨如注自戌刻起至二十九日丑刻止省城河下吹沈船艇及打爛蓬架大小共七十四隻沈溺幼孩三

名民房吹塌數家人口無傷牌坊旗杆墻垣間有
倒塌早禾在田者俱已結實不致傷礙圍基亦穩
固無損其被風之船隻民房

臣

已會同督

臣

鄂彌

達飭令地方官分別賑恤俱皆得所其近省之香
山順德二縣據報房屋船隻田禾俱無損傷其餘
沿海各屬已經行查有無傷壞船屋令一體賑卹
尚未據回報緣吹發未久風卽寧息亦不甚大竝
非成災

臣

恐有塵

聖懷謹將情形據實繕摺奏

聞伏乞

皇上睿鑒謹

奏

知道了粵東颶風之作多在夏末秋初確查被災處所
盡心撫恤不可虛應故事

雍正十一年七月初九日廣東巡撫

臣

楊永斌謹

奏爲恭報早禾收成分數仰祈

聖鑒事竊查粵東今歲自入夏以來晴雨應時禾稻豐

茂經臣奏

聞在案茲據布政使甘汝來將各屬收成分數彙報前
來查廣州府屬南海縣收成八分者十之五六分
者十之五番禺新安新寧三縣俱八分收成東莞
縣收成十分者十之四八分者十之二六分者十
之四順德縣收成十分者十之四七分者十之六
新會縣收成八分者十之六七分者十之四香山

三水二縣收成九分者十之六八分者十之四清
遠縣收成十分者十之四八分者十之六增城縣
收成十分者十之三九分者十之四七分者十之
三龍門縣收成十分者十之三九分者十之三六
分者十之四從化縣收成十分者十之七七分者
十之三南雄府屬保昌始興二縣收成十分者十
之二九分者十之四七分者十之二五分者十之
二韶州府屬乳源曲江仁化英德樂昌翁源六縣

收成十分者十之二九分者十之三七分者十之
五惠州府屬連平歸善博羅海豐陸河源龍川
興寧長樂永安長寧和平十二州縣收成十分者
十之三八分者十之七潮州府屬海陽縣收成十
分者十之八七分者十之二潮陽縣收成十分者
十之六八分者十之四揭陽縣收成十分者十之
四八分者十之六程鄉饒平普寧三縣收成十分
者十之八八分者十之二惠來縣收成九分者十

之六七分者十之四澄海縣收成十分者十之八
九分者十之二大埔縣收成九分者十之八七分
者十之二平遠縣收成九分者十之六七分者十
之四鎮平縣收成十分者十之七七分者十之三
肇慶府屬高要縣收成十分者十之三九分者十
之四八分者十之三高明德慶廣寧三州縣收成
九分者十之二八分者十之三七分者十之五陽
春縣收成十分者十之四九分者十之三八分者

十之二七分者十之一開平縣收成九分者十之
七八分者十之三新興縣收成八分者十之六七
分者十之四陽江縣收成九分者十之二八分者
十之四七分者十之四封川縣收成十分者十之
一九分者十之二八分者十之三七分者十之四
開建縣收成九分者十之四八分者十之六恩平
縣收成十分者十之三九分者十之三八分者十
之二七分者十之二四會鶴山二縣收成十分者

十之四八分者十之六高州府屬茂名電白信宜
吳川石城五縣收成十分者十之三九分者十之
四八分者十之二七分者十之一化州收成十分
者十之五八分者十之五雷州府屬海康徐聞遂
溪三縣收成九分者十之二八分者十之五七分
者十之三廉州府屬合浦欽州靈山三州縣收成
九分者十之二八分者十之八瓊州府屬瓊山縣
收成六分者十之六五分者十之四澄邁文昌感

恩崖州樂會五州縣收成九分者十之四八分者
十之六會同萬州儋州臨高昌化定安陵水七州
縣收成八分者十之五六分者十之五羅定州并
東安西寧二縣收成十分者十之四九分者十之
三八分者十之二七分者十之一連州陽山縣收
成十分者十之六八分者十之四連山縣據報一
年一熟目下禾苗茂盛尚未收穫以上各州縣據
開報米價合倉石自六七錢起以至一兩不等將

來米糧上市日多價值自可日減所有早禾收成

分數

臣謹據實繕摺奏

聞伏乞

皇上睿鑒謹

奏

粵東早禾收成分數及米糧價值情形以手加額欣悅
覽焉

雍正十一年九月三十日廣東巡撫

臣

楊永斌謹

奏爲敬陳微

臣

下悃仰祈

睿鑒事雍正十一年九月二十四日

臣

接到大學士伯

臣鄂爾泰札以聞

臣

袒護姻戚徇情曲庇等情寄

字申飭

臣

不勝惶悚伏念

臣

以邊方庸才疊荷

聖恩畀以封疆重任茲聞

臣

過愆荷蒙

聖主如天之仁不加處分微

臣

心迹已在

聖明洞鑒之中

臣

惟有感激涕零何庸復有申辯但

臣

與糧道陶正中結親一節係雍正九年冬間在布

政司任內之事上年四月間

臣奉

恩命擢署巡撫

臣

卽深自追悔且

臣

自呈誤知縣位至

巡撫

天恩何等高厚責任何等重大雖竭盡心力龜勉供職

未足仰報萬一若變易初心改移操守

臣

具有人

心斷所不敢

惟是知識短淺未能免於愆尤

臣惟

返躬省愆時刻謹凜有則痛自改悔無則益加勉

勵務秉公忠正已率屬協和文武整飭地方總期

於公事有濟以報

國恩所有微臣下悃併悔過自新緣由謹繕摺具

奏伏乞

皇上睿鑒謹

奏

覽奏知道了陶正中品行不純若與伊同心則大誤矣

雍正十一年十一月初九日廣東總督臣鄂彌達

巡撫

臣

楊永斌謹

奏爲奏明招回入川人民事竊照本年八月內有往

川人民經過龍川縣地方

臣

等聞報當卽飛飭沿

途官員一體勸阻併委試用同知張炳綸等攜帶

公項銀兩星往招徠去後復據長樂縣知縣江日

暄稟稱往川人民止招回十一名其餘俱堅稱親

屬在川前往完聚不遵勸諭等語又經飛檄張炳

綸等星往前途明白曉諭有願回者給貲安插其

實有親屬在川者委員護送往川

臣

等已於九月

清查其實有親屬產業在川欲往完聚者尚有六
十三戶共一百四十一名口現在咨查明確照例
給照前往以杜隨從潛行之弊其查出貧民願赴
鶴山開平等縣墾荒者俱給貲起送墾耕安插務
期民無失業以仰副

聖主懷保之至意所有先後召回人民及分別聽往完
聚緣由理合會同繕摺奏

聞伏乞

皇上睿鑒謹

奏

覽奏入川人民各緣由已悉但身膺岳牧之寄不能令
本省黔黎安土樂業攜眷奔馳他省一任粉飾分疏朕
實代汝等愧之

硃批諭旨卷二百九上

欽定四庫全書

硃批諭旨卷二百九下

硃批楊永斌奏摺

廣東巡撫

臣

楊永斌謹

奏爲奏明籌畫積貯事宜斟酌捐例事竊粵東雍正
四年東莞等十一縣田禾被淹賑給過災民穀五
萬八千三百六十石零又雍正五年五月九卿會
議海陽等六縣應增貯穀三十四萬石行令照各

省常平倉生俊捐監事例令隣省江西湖廣廣西
生俊在本省採買穀石運送廣東捐納計各縣發
賑及增貯共穀三十九萬八千三百六十石零捐
足應貯之數卽行停止遵行在案迄今開捐七載
以來止捐過穀二萬七千四百石尚未捐補穀三
十七萬九百六十一石雍正十年十一月經臣以
增城縣賑穀尚未捐足該縣糶三穀數不敷碾支
春夏二季兵食請在廣州府倉內酌撥穀七千一

百九石零移貯增城縣倉等因具

題奉准部覆允行併令

臣

將前項應貯穀石作何捐

足之處斟酌妥議具

題等因

臣

查九卿原議止令江西湖廣廣西生俊買

穀赴納本省不准收捐但查江西至粵必由梅嶺

湖南至粵半由郴州俱係旱路阻隔生俊買穀赴

納俱有踰嶺湖灘之險盤運維艱若湖北湖南遼

粵西而抵粵東須由洞庭湘江水路迂折三千餘

里運穀來粵涉歷長途脚費甚爲繁多況今粵西
現有墾荒折銀之例粵西生俊自不肯舍近求遠
運穀來東而湖北常平捐穀又經減照河工事例
本省隣省一體准捐又江南河工與營田水利俱
准折銀江楚生俊亦自不肯舍易就難運穀來粵
是以開例之初尚有捐穀二萬七千餘石近今竟
無一人赴納而粵東生俊往就營田水利及粵西
墾荒兩處捐納咨回者每年數百人應請稍爲變

通本省生俊一體收捐庶倉穀得期實貯惟是粵東產穀稀少恐生俊競買或致價昂病民臣等再四斟酌常平倉穀原爲積貯起見定例不准折銀但粵東情形與他省不同專收穀石轉有未便應請因地權宜定以價值銀穀並收穀則交於應貯州縣銀則令赴藩庫交兌委員前往粵西採買分撥收貯每穀一石定價五錢五分遇穀價稍昂咸令照價交銀民食自無妨礙捐足應貯之數卽行

停止不過兩年後即可告竣事屬妥協茲據司道
具詳前來臣與督臣鄂彌達確酌意見相同除現
在繕疏具

題請

旨外緣事關籌畫倉儲斟酌事例所有緣由臣謹會同

督臣鄂彌達繕摺

奏明仰祈

皇上睿鑒謹

奏

具題到日有旨

同日又

奏爲恭報晚禾收成數仰祈

聖鑒事竊查粵東地方仰賴

皇上福庇今歲早禾豐收經臣具

奏在案自七月以來雨水調勻晚禾茂盛茲據布政使甘汝來將各屬晚禾收成分數彙報前來查廣

州府屬南海番禺東莞順德新會香山清遠花縣
八縣收成十分者十居四八分者十居六增城新
安新寧三水五縣收成十分者十居四八分者十
居二六分者十居四從化一縣十分收成南雄府
屬保昌始興二縣收成十分者十居八九分者十
居二韶州府屬曲江仁化二縣收成八分者十居
五六分者十居五樂昌乳源英德翁源四縣收成
十分者十居三九分者十居三八分者十居四惠

州府屬連平歸善河源龍川和平興寧長樂永安
博羅海豐陸豐長寧十二州縣收成九分者十居
六八分者十居三七分者十居一潮州府屬海陽
揭陽饒平程鄉鎮平普寧澄海平遠大埔惠來潮
陽十一州縣收成十分者十居六八分者十居四
肇慶府屬德慶州高要開平恩平廣寧四會鶴山
七州縣收成十分者十居三九分者十居四八分
者十居三新興陽春陽江封川開建五縣收成九

分者十居四八分者十居二七分者十居四高明
縣收成八分者十居六七分者十居四高州府屬
茂名信宜化州石城四州縣收成十分者十居三
九分者十居四八分者十居二七分者十居一電
白縣收成九分者十居一十分者十居九吳川縣
收成九分者十居二八分者十居四七分者十居
四雷州府屬海康遂溪徐聞三縣收成十分者十
居四九分者十居二八分者十居四廉州府屬合

浦欽州靈山三州縣收成十分者十居五九分者
十居三八分者十居二瓊州府屬瓊山澄邁儋州
臨高會同樂會崖州陵水萬州定安文昌感恩昌
化十三州縣收成九分者十居七八分者十居三
羅定州收成十分者十居三九分者十居四八分
者十居三東安西寧二縣收成十分者十居四九
分者十居三八分者十居二七分者十居一連州
收成九分者十居六八分者十居四陽山縣收成

十分者十居二分者十居五八分者十居三連
山縣收成九分者十居九八分者十居一以上各
州縣米價自六七錢起至一兩零不等地方寧謐
民樂豐登所有晚禾收成分數謹據實繕摺奏

聞伏乞

皇上睿鑒謹

奏

覽晚禾收成分數曷勝欣慰頃有諭鄂彌達之旨可取

觀之

雍正十二年三月初六日廣東總督

臣

鄂彌達巡

撫

臣

楊永斌謹

奏爲廢員才能可用報效有心據情陳奏仰祈

睿鑒事竊照廣東羅定州直隸知州王植係直隸保定府深澤縣人由進士於雍正四年除授惠州府和

平縣知縣嗣調肇慶府陽江縣知縣雍正七年

題補羅定州知州緣雍正六年署理海豐縣任內有

縣民宋文貴與曾氏因姦謀死親夫羅世球一案
諱命不報雍正九年十一月

題叅審擬革職又雍正十二年正月特委密拏事案
內准部咨王植失察姦民陳漢招人入教應降二
級已經革職仍行註冊在案例應給咨回籍但查
該員年力壯盛才具明白在粵數載政事練達其
署海豐任內諱命一案彼時尚屬初仕至今深自
痛悔以爲圖報無由有負

國恩

臣

等見其報效心切又復諳練因鶴山縣建築

城垣安插開墾貧民及新寧縣查出荒地招民墾
種需員料理委令效力又去年九月委往楚省招
回往川人民該員不辭勞瘁奮力辦理俱各妥協
伏思

皇上愛惜人才每於叅革人員憫其寸長格外錄用雍
正十年七月內又奉

旨嗣後特叅文武官員比照大計之例亦著送部引見

欽遵在案該員係在例前

題叅諱命革職雖非浮躁不及暨因公呈誤可比但
其才能可用能知自悔圖報甚殷若給咨回籍令
其終身廢棄似屬可惜臣等見知既確謹合詞陳
奏可否送部引

見恭懇

聖恩發粵委用效力三年無過另疏

題請開復伏候

皇上睿裁批示遵行謹

奏

准照所請送部引見

同日又

奏爲廢員廉能素著據實奏陳恭請

睿鑒事竊照原任南海縣知縣涂基由江西舉人兩任
教諭

大計卓異陞授南海縣於雍正三年九月到任雍正

五年九月丁憂離任緣雍正四年內有失察旗人打鬧米廠一案部議革職奉

旨南海縣知縣涂基居官如何之處著詢問孔毓珣楊文乾若居官尚好著革職留任倘居官平常卽著革職欽此嗣經前督臣孔毓珣以該員任內有黎顯斯等被劫十三案賊犯尚未緝獲卽屬平常之員會

疏

題覆奉

旨涂基著革職該部知道欽此又雍正七年六月准部
咨失察大鵬營革職千總班士錦家口八名口潛
住省城一案涂基照例革職仍行註冊各在案上
年八月涂基以年力方強尚堪勉圖報效赴臣等
具呈懇請援例具

題引

見仰報

皇恩臣等因訪聞涂基在任居官尚優經批司查議去

後茲據布按二司會詳轉據府縣等確查案卷訪
察輿論涂基在任兩年實屬廉潔勤慎緣南海附
省劇邑素多盜案該員在任所有強竊各犯一一
購緝就獲審擬完結其罪重具

題者則有羅榮五等被刦十二案又雍正五年南海
上冲堡壕殷埠圍基單薄勢將坍決涂基日夜經
畫督率捐料修固百姓遂改名爲涂公堤至今猶
繫民思其催徵錢糧不事敲朴民皆先期完納至

於黎顯斯等被刦十三案係陸續發覺俱未滿一
年緝賊之限或在疎防限內該員即經離任非積
久盜案怠緝無獲者比從前奉

旨詢問緣前督臣孔毓珣未經分晰聲明遽以緝盜無
術即屬平常之員覆

奏致未邀

恩錄用今察訪確實詳請援例具

題保送引

見前來臣等查涂基離任已經六載而訪察民間猶羣
稱其廉能其緝獲積盜修理圍基至今猶繫民思
查其在任完結羅榮五等被刦各案卷洵非庸懦
無能之員伏查雍正二年六月定例廢員准赴原
任地方具呈該督撫擇其因公呈誤廉靜愛民聲
名素著者秉公保

題赴部引

見今查涂基經蒙

諭旨詢問革職與尋常革職之員不同但其在任廉能

臣等訪知既確理合據實陳

奏可否具

題送部引

見恭候

皇上選用伏祈

睿鑒訓示施行謹

奏

亦送部引見不必具題

廣東巡撫

臣

楊永斌謹

奏爲奏

聞事竊粵東自冬底入春以來天氣晴和二月內晴雨

應時目下秧苗茂盛

臣

等出郊看視栽插方興民

情踴躍各屬米價自五六錢起至一兩零不等並

無昂貴將來四五月間又有糶三米穀接濟更可

無慮缺乏粵民每歲春間多有挈伴入川

臣

凜遵

聖訓竭力料理查明有的屬在川者委員護往其餘無業者送至恩開等縣給以口糧牛種房舍安插墾耕貧民得以樂業就耕者日衆所有陸續安插過各縣人民承墾過各縣地畝臣現在飭屬造備清冊彙疏

題報又潮州府海陽縣姦民王阿童等上年歲底散符惑衆即時發覺各犯全獲現今提解來省嚴究業經臣會同督臣鄂彌達奏

聞在案各屬俱寧謐無事圍基亦俱穩固臣嚴飭水利

各員多備土方木植以防西潦臣恐有虞

聖懷謹據實繕摺奏

聞伏乞

皇上睿鑒謹

奏

覽奏粵東晴雨應時秧苗茂盛及地方寧謐各情形朕
懷深慰

同日又

奏爲奏明挖獲礮位事竊粵東邊海重地逼近外洋
因本地出產鐵斤一切軍器製造便易稽查自宜
嚴密而礮位一項尤爲緊要軍器臣留心體察從
前民間每有私藏礮位歷年久遠埋於牆壁房室
之中恐干罪譴未敢首報者亦有從前遺失之礮
經人民挖獲惟恐查詰干累隱匿不報者經臣出
示遍加曉諭許本人據實報出一槩免其跟究竝

責成兩鄰稽查如經兩鄰首報本人從重治罪若
兩鄰明知不首扶同隱匿察出併究又嚴飭各屬
一體曉諭查察去後茲查自去年三月至今通計
一年之內陸續據各屬兵民具報掘獲大小礮共
四十三位臣行令地方官確加驗看其堪以適用
應留營操防者遵照雍正十一年九月定例咨部
留用如銹爛不堪用者亦照例飭行收貯以備改
鑄兵器之用其具報兵民查非有心故匿概免深

究臣仍不時稽查務令兵民不致私行藏匿所有
首報礮位數目緣由謹繕摺奏

聞伏乞

皇上睿鑒謹

奏

此舉是亦係息事消患之一端

雍正十二年五月二十六日廣東巡撫臣楊永斌

謹

奏爲請嚴爭奪新田之禁以收墾荒實效事竊查粵

東民人生齒殷繁野有曠土民鮮恒業

臣

時加嚴

飭各道府州縣令其徧勘可墾之地勸諭開闢廣

興地利以仰副

皇上重農富民之至意據糧驛道陶正中親赴鶴山恩

平開平新寧等縣勸墾二十七萬三千餘畝其餘

各屬勸墾亦不為不力而報墾之數不能如鶴山

等縣之多

臣

訪察其故皆因粵東向有惡習或豪

強之戶或附近人衆之家見有承墾者力耕播種
以後即串挽地鄰捏稱世傳祖業起而爭訟及見
稻禾成熟率領搶割雖經縣官判斷誣稱受屈疊
控上司俟前官去任又向接任具控不奪其地不
止是承墾之民未享其利先受其害孰肯徒費工
本自取貽累理合酌擬爭奪新墾之例

奏請

聖裁頒示臣民使羣黎知大小臣工永遠不致游移臆

斷始奮發其務本之心伏查雍正元年戶部議例
稱起科之後官給執照永爲世業是承墾初年以
及未至起科以前在墾戶已經費去工本尚無執
照為憑即有姦民乘機圖占又未議有定例是以
易起爭端臣請嗣後凡現在久荒之地除有古塚
周圍留地四丈不得開墾外其餘俱聽民間願墾
者開明界址土名呈報地方官親赴勘查如其地
原有業戶即著墾熟起科免究其從前荒蕪田地

之罪如並無原業者先給執照准其管業照例起
科自從承墾之後他人始終不得告爭如有墾後
捏稱祖業爭訟者照侵占他人田地律每田一畝
笞五十每五畝加一等罪止杖八十徒二年若因
墾地附近豪門冒認祖業統率多人搶割稻穀者
照強占官民山場律不論畝數將為首者杖一百
流三千里為從者分別情罪重輕治罪如此著為
定例通行曉諭既可使強詐姦民咸畏犯法泯其

覬覦之心復使淳樸農人安心耕鑿不數年間粵地除沙礮外盡闢爲樹藝之阡陌矣臣爲勸墾起見謹繕摺

奏請是否有當伏祈

皇上睿鑒批示遵行謹

奏

該部詳議具奏

同日又

奏爲請嚴教職之考覈以肅士習以勵民風事竊照
粵東地方倚山濱海民俗異於他省欣逢

聖世教育宏敷咸知感化歸醇而民俗狡黠之風究未
盡除即衿監中亦有窩匪賭博抗糧霸占健訟之
案實有關於風俗人心不淺合請立法昭示勸懲
臣思士爲四民之表鄉俗之所觀瞻士習不端則
民皆率效欲勵民俗之醇必端士習爲首查教職
一官爲士師長與諸生最爲密邇如果正己無私

訓迪嚴謹則所屬之生監誰不聽其約束革面洗
心今查教官年年冊報生員多以無優無劣具結
塞責而生監之犯案又復纍纍是該教官全不以
教誨生監為職守平日之徇縱可知遇有違犯事
發經府州縣審出則又巧為補開劣行一詳掩飾
自全不獨有忝厥職且於學校毫無裨益臣請嗣
後凡貢監文武生員有窩匪抗糧蔑理悖倫事發
教官平日不為詳報被府州縣查出或被旁人首

告審實者不准補開詳揭將該正副教官一併以
溺職糾叅其有受賄徇隱竝借端勒索得財等弊
與不力行課試者飭令各府州縣不時訪查分別
揭報咨叅照例治罪其貢監生員有學問優著孝
友可風該教官竝不覺察或故為指勒不行舉報
經府州縣舉報或經上司訪聞得實將該教官亦
即揭叅如該教官於三年內查伊所屬貢監文武
生員盡皆守法毫無過犯即稍有所犯該員隨行

據實詳報又能訓迪勸勉使士子改過自新者令
該府州縣查明出具保結通詳督撫學臣查核無
異即與保

題格外優陞以示鼓勵如此則教職之黜陟嚴明士
子咸知儆畏民人亦無不觀感歸厚矣是否有當
臣謹繕摺奏

聞伏祈

皇上睿鑒批示遵行謹

奏

此奏殊屬是當之至該部詳議條例通頒直省一體遵行

雍正十二年六月二十五日廣東巡撫

臣

楊永斌

謹

奏爲恭報早稻收成米糧價值事竊查粵東今歲自春入夏以來雨澤霑足下隰高原俱得及時栽植早禾吐穗穎實

臣

經具摺奏

聞今自六月初旬以後各屬早稻俱已刈獲

臣曾先行

通飭確查實在收成數嗣據各屬陸續申報前

來

臣

查廣南韶惠潮肇高雷廉瓊等十府並羅嘉

連等三州各所屬收成俱有八九十分不等與

臣

訪聞無異現今米價廣州南雄韶州肇慶四府羅

定嘉應二州每石俱自九錢以至一兩有零不等

惠州潮州雷州瓊州四府連州一州每石俱七八

錢有零不等高州廉州二府每石俱五六錢不等

今查各屬晚禾俱秀發茂盛雨水調勻俟晚禾登
場米價尚可平減仰賴

皇上聖德廣被收穫豐稔民情歡悅地方寧謐臣謹據
實繕摺奏

聞伏祈

睿鑒謹

奏

近年以來粵東雨暘頗稱調順覽早稻收成分數暨米

糧價值海疆黎庶諒無艱食之虞矣朕懷曷勝欣慰

同日又

奏爲遵

旨奏覆事雍正十二年五月二十八日接大學士臣鄂

爾泰張廷玉寄信到臣內開本年四月二十五日

奉

上諭朕於一切器具但取樸素適用不尚華麗工巧屢
降諭旨甚明從前廣東曾進象牙蓆朕甚不取以爲

不過偶然之進獻未降諭旨教導今則獻者日多大
非朕意夫以象牙編織為器或如團扇之類其體尚
小若製為座蓆則取材甚多而人工大費開奢靡之
端矣此等物件既已進獻不便發還而留在宮中又
實無可鋪設之處爾等可傳諭廣東督撫若廣東工
匠為此則禁其毋得再製若從海洋而來則從此屏
棄勿買製造之風自然止息欽此

臣

敬謹跪讀仰見

皇上崇儉尚質不用華麗之器禁開奢靡之端

臣

從前

愚昧以象牙蓆原係粵東工匠製造土產見不及
此今蒙

聖訓實深悚惕謹遵

諭旨會同督臣鄂彌達出示嚴禁嗣後工匠毋許再造
牙蓆以及外洋帶來屏棄勿買外理合繕摺

奏明伏祈

皇上睿鑒謹

奏

覽

凡類此華麗工巧之物俱當留意禁止以杜奢靡之漸

雍正十二年九月初二日廣東巡撫

臣

楊永斌謹

奏爲海疆地多磽瘠懇照輕則起科以廣開墾以溥

皇仁事竊照粵東生齒日繁工賈漁鹽樵採之民多於

力田之民所以地有荒蕪民有艱食荷蒙

聖恩廣大疊頒

諭旨令

臣

等勸民開墾務使野無曠土家給人足仰見

欽定四庫全書

硃批諭旨

卷二百九下

三十三

我

皇上睿慮周詳誠富民阜物之

聖謨也

臣

今查得原報可墾六千八百五十頃外各屬

尚有荒地但或係山深箐密或係夾砂帶鹵開闢

實屬艱難體察民情固畏倍費工本更恐磽地薄

收倘遇旱澇糧賦無出是以未肯盡力

臣

竊思瘠

田雖產穀稀少若多墾數十萬畝年豐可得數十

萬石米穀卽年歉亦必稍有收穫養活多人不致

乏食為匪於民生實有裨益誠不可不為多方勸導以盡地利臣查新寧縣徵糧額內有斤鹵輕則每畝徵銀四釐六毫四絲米四合二勺六抄此通省田賦則例之至輕者若令各州縣除原報可墾地畝外凡有硿瘠難墾之地俱准照斤鹵輕則起科則民心鼓舞地利可以廣收惟是各州縣原編則例無此斤鹵輕則者居多臣不敢冒昧具題合具疏題請可也但此舉於民固屬有益於汝不無關係

查勘稍有不確科則或致不均難免受累於日後也
奏請

皇上聖鑒如蒙

俞允臣即欽遵徧行出示曉諭宣布
候該部議覆降旨允行之後宣諭未遲
皇恩令各州縣不論有無斥鹵輕則但各境內有夾砂

帶鹵山深菁密難墾曠土凡有民人承墾概准以
斥鹵輕則輸糧即給執照為業照例十年起科如
其地本係沃土該地方官不行勘明混准民間冒
以輕則起科者即照官吏踏勘田糧不行親詣田

所及不從實檢踏止憑里甲朦朧供報律叅處其
混冒承墾之民照那移起科等則律按畝數多寡
分別治罪如此則肥沃之壤不致冒承輕則而磽
瘠之地民知田糧易輸廣開阡陌家室盈寧邊地
蒼生含哺鼓腹共樂昇平

盛世矣臣因粵東人稠田少敬抒所見繕摺

奏請伏祈

皇上諭旨批示遵行謹

奏

覽

雍正十二年十一月初八日廣東總督

臣

鄂彌達

廣東巡撫

臣

楊永斌謹

奏爲奏

聞事本年十月初旬據潮州府屬之潮陽普寧二縣報稱九月十七日起至二十一日止連日颶風暴雨溪流漲發為海潮湧阻一時不能宣洩以致民間

土房間有浸倒田禾亦被淹浸又據潮屬之惠來
縣并惠州府屬之歸善海豐陸豐等縣各報九月
十七八九等日風雨甚大又據嘉應州亦報九月
二十四日雷雨大作各等情到臣等隨即委員
齎帶公用銀兩星赴各州縣會同各該地方官確
查被水情形田禾廬舍人口有無傷損是否成災
據實飛報并将帶去銀兩酌量賑恤務期得所以
仰副我

皇上子惠元元之至意隨據各委員覆稱歸善海豐陸豐各縣河道廣濶港汊亦多水退甚速房屋人口田禾俱無傷損惠來一縣雖被風雨幸離海不遠隨漲隨消但溪口河邊田地勢當急流衝刷砂淤者百十餘畝土房亦有衝倒至於田禾雖被風偃撲幸已結實不能傷損並不成災該縣知縣裘曰菊業經備查捐恤又嘉應州所屬之車約等處因山溪窄小水流急驟近溪土房亦多浸倒并壓死

男婦一十餘名口該州知州李匡然當即捐給銀兩賑恤得所田禾亦無損壞惟潮陽普寧交界之貴山泅水洋烏三都為衆溪匯集之處止有潮陽和平橋一處通洩又因海潮湧阻宣洩不及致被淹浸查潮陽自范厝寨起沿海計長十四五里濶二二三里不等普寧自米場山起沿河計長十五六里濶一二里不等其中田之高者水深二尺餘禾穗透出水面尚無傷損低窪者水深四尺許田禾

淹沒如已結實者亦屬無礙惟未結實者經水之後不能滋長飽滿查被水處高田有七八分低田有二三分通融計算尚有五六分收成其餘各都均未被水合計通縣尚有八分收成並不成災再查被水之處土墻茅舍多有倒塌現經該二縣按照酌恤等情_臣等又飛飭各委員將前帶去銀兩再行加意查賑其房屋倒塌三間者再給銀二兩一二間者再給銀一兩壓斃人口每名再給銀二

兩務使窮民不致失所現今民情安帖米價照常
其餘各府州屬俱未被風雨除通省收成數另
摺

奏報外誠恐上廩

聖懷合將潮普各屬偶被風雨情形并臣等委員查恤
過緣由據實奏

聞伏祈

皇上睿鑒謹

奏

據奏潮普二邑被水淹浸其加意查勘撫恤務令災黎得沾實惠以釋飢溺之懷

廣東巡撫

臣

楊永斌謹

奏爲恭報晚稻收成分數并米糧價值事竊查粵東本年自夏入秋以來雨澤應時晚禾秀發

臣

經具

摺奏

聞并先通飭各屬俟收穫時將實在收成分數據實查

報在案今自十月初旬以後晚禾俱已刈獲據各屬陸續申報前來臣查廣州南雄韶州惠州潮州肇慶高州雷州廉州瓊州等十府羅定連州嘉應等三州各屬收成俱有十分九分八分不等與臣訪聞無異現今米價廣州韶州肇慶三府嘉應州一州每石自八錢至一兩不等南雄惠州二府羅定一州每石俱八九錢不等潮州雷州瓊州三府連州一州每石俱七八錢不等高州廉州二府每

石俱六七錢不等此皆我

皇上聖德廣被是以太和協應年登大有米糧平賤通

省民情歡悅地方寧靜

臣謹繕摺

奏報伏祈

皇上睿鑒謹

奏

晚稻收成數米價平減情形以手加額覽焉

同日又

奏爲欽承

聖訓恭摺奏

謝事本年十月初七日督臣鄂彌達奉到

硃批奏摺內奉

上諭身膺封疆要任當遠大是務不宜見識淺狹公私
界限祇在幾微念慮之間一涉瞻徇即爲負國溺職
重則貽累功名事業輕亦難免物議於己毫無裨益
無如燭理不明者比比皆然每爭趨些少光榮以圖

目前快志遂置日後無限悔吝於不計也此論亦使
撫臣兩司觀之欽此欽遵傳示到臣臣跪讀之下仰
見我

皇上睿訓精微周詳備至勉勵臣工

恩同覆載伏念督撫為封疆大臣凡事一秉至公始為
無忝職守若稍涉私為人只圖目前快志不惟小
則為上下之所輕賤大則無益於功名事業而負
國溺職之罪其何以無慚衾影而自容於天地臣實

才識短淺未能一一看透今蒙

聖恩指示嗣後惟有服膺

聖訓於一應事務實心實力勉勵遵行斷不敢少涉為
人之念畧存目前快志之榮時時凜惕始終不渝
以仰報

皇上教導之仁慈於萬一耳所有微臣奉到

聖諭祇遵感激緣由謹繕摺奏

聞伏乞

皇上睿鑒謹

奏

勉勵遵行自有無窮效驗何靳而不爲之耶

雍正十三年二月十二日廣東巡撫

臣楊永斌謹

奏爲恭繳

硃批奏摺叩謝

天恩事竊

臣

齎摺家人回粵捧到

臣前

奏海疆地多磽瘠懇照輕則起科一摺欽奉

硃批

臣

跪讀之下仰見我

皇上睿慮周詳

訓誨諄切

鑒

臣

才識淺庸恐致日後受累此誠

天地父母之恩

臣

何人斯得蒙

聖主之眷顧如此

肫摯優渥

臣

不勝感激之至嗣後一切地方事務惟有

凜遵

聖訓悉心籌畫務求妥協以仰副我

皇上教訓之洪恩於萬一至粵東現今所餘荒地

臣凜

遵

聖諭現在通飭確查如果係夾砂帶鹵山深菁密磽瘠
難墾之地容俟查覆到日斟酌妥協具

題請

旨外所有微臣感激愚忱理合恭摺叩謝

天恩伏祈

皇上睿鑒謹

奏

覽奏知道了墾荒事宜詳審辦理惟當加意察訪屬員捏報硤瘠朦混等弊

同日又

奏爲請廣

皇仁以勵風化事竊查雍正元年欽奉

恩詔著於地方公所設立祠宇將前後忠孝節義之人

俱標姓氏於其中已故者設牌位於祠中致祭欽此
粵省業已欽遵奉行各府州縣俱動支正項錢糧
建造設立并徧加採訪凡有孝子順孫義夫節婦
確查具結遞年於歲底彙

題請

旌各在案茲據布政使詳據各府州縣詳稱各處名宦
鄉賢自古以至明季之人已經入祠者仰沐

聖恩准其照舊留祀即古昔名賢祠墓俱蒙

特恩令各省督撫飭令地方官修葺保固而忠孝節義
爲風化所關其前代已經旌表志傳內確有事蹟
可據者應否照前代名宦鄉賢例准其一體入祠
奉祀以廣

皇仁等情到

臣臣

查設祠建坊表揚忠孝節義實我

國家彰善鉅典似無分於今昔可否俯如該司府等
所請將遠年忠孝節義之人前代已經旌表載入
志傳事蹟確有可據者飭令各府州縣悉行查出

詳報督撫核實准照前代名宦鄉賢之例一體附
入祠宇以仰副我

皇上維持風教闡揚幽隱之至意但事關崇祀

大典臣不敢冒昧具

題理合恭摺

奏請伏祈

皇上訓示施行謹

奏

所奏殊不可行自元年降詔以來當代人物尚不能據
實採訪秉公闡揚以厭服衆志今乃欲評先賢之優絀
啟已往之爭端多見其不知量也似此慕虛名而招實
咎之念切勿復萌

雍正十三年三月二十九日廣東巡撫

臣

楊永斌

謹

奏爲

奏報雨水情形並米糧價值事竊照粵東本年正月

內雨澤普遍米價平和經臣奏

聞在案自二月以來每隔三四日必有雨澤并據各道

府州縣申報各屬內雨水調勻

臣

於三月十七日

出郊耕耤目覩高下田地普遍霑足早稻秧苗十

分茂盛民人正在蒔插二麥將次刈穫豐收可必

現在米價廣南韶肇惠潮各府嘉應一州上米每

石價銀自八九錢至一兩零四五分不等中米每

石不及九錢次米每石不及八錢至高雷廉瓊四

府羅連二州即上米每石不過自七錢七八分至
八錢五六分而止臣查粵東省當此農事正殷青
黃不接之時米價如此平減實屬從前罕有之事
此皆由我

皇上聖德格

出語輕忽得無涉於矜滿乎

天連年豐稔所致民情無不歡悅地方俱屬寧謐理合繕
摺奏

聞以慰

聖懷伏祈

皇上睿鑒謹

奏

且莫肆志自詡如宋銓輩更多徇庇數人自當感召

天和矣將此諭令鄂彌達亦知之

雍正十三年六月十五日兩廣總督

臣

鄂彌達廣

東巡撫

臣

楊永斌謹

奏爲

奏明事竊查韶州府屬曲江縣之東西二水山場出產煤斤向聽商人在縣認納虛糧開採售賣嗣因虛糧漸次墾補雍正八年經陞任布政司王士俊詳明前任督撫二臣凡承採之商酌照四座鐵爐之稅每年令繳銀二百餘兩以作韶郡修理城垣衙署等項一切公務之費其支用銀兩歷年俱由司詳報核銷在案緣韶郡城脚石隄三面臨江近年以來每遇春水漲發多有衝塌修葺之費不敷

而煤斤所出日廣商人獲利日多紛紛告爭自願
增稅承採經臣等飭行府縣確查兩處山場每年
約出煤斤若干酌定抽收數目期於公務有濟亦
不致病商去後茲據查報自上年冬季至本年春
季每月出煤約五千餘筐不等每筐重四百斤今
酌定以每筐收稅五分計算每年可收稅銀三千
兩商人尚有餘利不致虧折併據報稱現有江南
徽州府商人查復興情願每年認納稅銀三千兩

繳貯司庫自備資本承採等情由司議詳前來查
民間炊爨煤便於薪乃日用所需非礦廠可比何須封
煤斤為民間日用炊爨之物未便槩為封禁而出
禁

煤既多利益日增亦不便仍照舊額輸稅致公事
不敷濟用徒令商人獨專其利也茲該商既自願
每年輸稅三千兩繳貯司庫應准其承採以利民
若強橫之徒迹涉壟斷亦不可行也
用至所收稅銀請自雍正十三年起暫行扣留兩

年共得銀六千兩以為修理城腳石隄衙署之用
俟工竣核實報銷丁巳年以後續收銀兩報部撥

充兵餉至煤廠工丁歷來竝無滋事臣等仍飭地

方文武員弁時加稽查併令商人嚴加約束如將

來開採日久煤斤虛竭即行停止仍將停採日期

取結報部其煤斤飭令該商俱照時價平賣臣等

不時查察如有昂價病民即將該商究革另募承

採所有臣等酌定抽收煤稅及暫留辦公緣由理

合恭摺

奏明伏祈

皇上睿鑒謹

奏

但能利民即屬善舉

廣東巡撫

臣

楊永斌謹

奏爲叩謝

聖訓事本年五月十八日

臣

齋摺家人回粵捧到臣前

奏報雨水米價一摺欽奉

硃批

臣

跪讀之下惶懼無地伏念

臣

一介庸愚至微極

陋叨沐

皇上天恩不次超擢由星誤知縣拔至巡撫重任才識
短淺慙尤日積荷蒙

聖主曲賜矜全得至今日即粵東數載以來年穀順成
皆賴我

皇上憂勤惕勵之感格臣何敢遽生滿足自矜之念至
宋銓一案荷蒙

聖慈不加顯斥復

賜訓誨冀

臣

務秉至公之心屏絕徇庇之私

君父隆恩至深至厚

臣

惟益切悚惶感激涕零竊查

臣

衙門舍班人役向有招搖不法之輩

臣

抵任後俱

先後查拏究處務欲使地方擾民之輩悉皆斂迹

以副

聖主除蠹安良至意

臣

實未敢稍有徇庇也至宋銓向

來充當舍班雍正七年間在前署撫

臣

傅泰任內

辭退捐監復於雍正八年加捐州同

臣

於雍正十

年到任後因從前撫臣採買物件係其辦理且臣

衙門係封鎖衙門家人不敢外出是以凡花梨物

件及波羅葛等項臣愚昧仍在伊鋪定製承造至

雍正十二年宋銓加捐知州由地方官起具文結

經布政司張渠轉送到臣因其從前原經捐監

復捐州同職銜是以據詳咨部未細察其昔年曾

經頂名陳俊充役情事實屬罪無可逭迄今痛悔

無地仰蒙

聖主委曲

訓誨五衷滋愧寢食難安嗣後惟有一切改悔慎重防
檢凜遵

聖訓不敢少萌矜滿之念并不敢少存徇庇之私益加
兢惕勉圖寸效以仰報

皇上高厚洪恩於萬一耳所有微臣凜遵


訓示及感激愚衷理合恭摺

奏謝

天恩伏祈

聖慈垂鑒謹

奏



一任巧舌如簧亦何能辯脫也既往不咎改悔將來可

硃批諭旨卷二百九下

欽定四庫全書

史部

硃批諭旨卷二百十一上

詳校官尚書臣德保

編修臣張謙勛

總校官中書臣朱鈐

校對官監丞臣張曾炳

謄錄監生臣胡明楷

欽定四庫全書

硃批諭旨卷二百十

硃批楊秘奏摺

雍正八年十月二十六日西安按察使

臣楊秘謹

奏為請

旨事竊臣一介庸愚至微極陋由縣令歷陞郡守洊至

監司今復蒙

聖恩陞授陝西西安按察使臣自顧何人膺斯

特簡惟期勉竭駑鈍矢公矢慎察吏安民恪供職守以

仰答

聖主高厚於萬一惟是西秦地處邊要幅員遼濶政務

殷繁臬司一官總匯刑名責任綦重臣才識疎淺

時切惶懼仰懇

聖慈容臣輕騎赴

闕瞻仰

天顏跪聆

訓旨庶於地方事務皆得欽遵奉行不致稍有隕越矣
所有虔請

聖訓微誠理合繕摺恭

奏伏乞

皇上睿鑒施行謹

奏

勉盡厥職何必赴京請訓百凡惟以誠實為貴若巧黠
居心趨避是務則大失朕簡擢之意矣識之

雍正九年四月初二日西安按察使臣楊祕謹

奏為恭謝

聖訓事竊臣前具摺奏請

陞見於雍正八年十二月初一日奉到

硃批諭旨臣即恭設香案望

闕叩頭謝

恩虔誦訖伏念臣賦質愚魯識見淺陋仰荷

天恩授以臬司重任時切綆短汲深之虞今蒙

天語提撕

訓旨諄切臣鏤心刻骨惟有欽遵

聖訓實心實力黽勉辦公務期竭盡忠誠不敢稍存私
念以仰副

聖主訓誨宏恩於萬一耳所有原奉

硃批奏摺理合恭繳謹

奏

覽奏知道了勉力為之母玷官箴

同日又

奏為敬陳一得之愚仰祈

睿鑒事竊查問流人犯雖犯案不同大約窮苦者居多
到配之後資生無策每向里民橫行勒索甚至於
集鎮交易處所恃強取討里民恐其脫逃受責不
敢與爭只得隱忍湊給久之習慣成俗流民竟視
為分所應得毫無顧忌是以有罪流民養成遊惰
反令無辜赤子受累無窮臣再四思維似應定為

安置之法請嗣後解到流犯飭令該州縣當堂訊問該犯向習何業查其所攜資囊稍可自給者聽令各照本業自謀生計仍取具該里甲收管責成看守如係貧乏不能自給而年力强壯者應令該州縣於額設各項夫役內酌量令其充當給以工食以為養贍如有頑梗即行責懲至於流犯到配後年老疾病不能自食其力者該州縣官驗明撥入養濟院內給以孤貧口糧以養餘年如此定為

分別則里民不致受累擾害而流民治生有策并免脫逃之弊矣

臣謬獻翦薙以備採擇伏乞

皇上睿鑒施行謹

奏

將此事言之撫臣武格等具疏題奏請旨如或撫臣不以為然與爾意見有不同處令其明白詳悉摺奏以聞朕更命碩色會同再加商酌

雍正十一年四月二十六日西安按察使

臣楊秘

謹

奏為敬陳管見仰祈

睿鑒事竊

臣

一介庸愚仰荷

天恩畀以秦臬重任晨夕兢兢凡有關於吏治民生者靡不悉心籌畫以圖少報涓埃伏查承審案件縣州府司歷經確審申解督撫各有責成不可逾越缺略所以州縣審擬申解情罪未協知府即可就近駁訊惟是直隸知州一官其責同於知府所有

屬員承審案件俱從該州審轉而直隸州自理一切刑名事件既無專轄查審之員一徑解司議擬妥協者便可審轉呈解督撫倘情罪不符勢必駁查離省寫遠人犯往返難免拖累臣思直隸知州固不隸於知府而上有該管道員可以就近核審移解且查承審限期如四箇月限者州縣限兩箇月府州限一箇月六箇月限者州縣限三箇月府州限箇半月一年限者州縣限七箇月府州限兩

箇月今直隸本州案件無專轄承審之分扣是一官而兼兩官之限為期似覺太寬臣查陝省直隸各州倉庫錢糧俱由該管道員盤查出結官方賢否亦由該管道員出具考語咨牒兩司詳請保

題實授他如疎防諱盜諱命等項該管道員均有管轄處分之責是道員之於直隸知州原係親臨上司臣愚以為陝省直隸興安同華商乾邠耀葭鄜綏德等十州其本州一切刑名命盜等案嗣後請

照盤查倉庫詳請實授之例悉歸該管道員照依
知府承審之限核審出看牒移解司如有情罪未
協該道員即行就近駁訊如此則直隸州自理之
案件不至草率拖延而情罪亦得彼此詳慎酌議
自免出入之愆至於該道員一切承審處分悉照
知府之例分別察核似於刑獄重案或有裨益矣
臣不揣愚昧謹獻蕝蕝是否有當伏乞

皇上睿鑒施行謹

奏

言之督撫二臣聽其酌定

雍正十一年十二月二十八日西安布政使兼管

河東鹽務

臣

楊馥謹

奏為恭謝

天恩伏乞

睿鑒事雍正十一年十二月十五日奉到部文內開雍

正十一年十一月二十四日內閣奉

上諭湖北布政使印務著陝西按察使楊祕署理欽此

臣
即望

闕叩頭謝

恩遵於本月二十日詳委交印正在束裝起程間又於

本月二十四日奉署撫臣史貽直牌文內開雍正

十一年十二月二十三日准兵部火牌遞到

內廷頒發奏匣一件雍正十一年十二月十三日內

閣奉

上諭碩色補授西安巡撫史貽直仍暫留西安總理巡撫並一切軍需事務俟諸務妥協伊可以來京時再具奏請旨楊馥補授西安布政使兼管河東鹽務西安按察使員缺著何師儉補授西安驛傳道員缺著鳳翔府知府任晟補授其西安督糧道並鳳翔府知府員缺著該督撫揀選委署題補欽此

臣

復恭設香

案望

闕叩頭謝

恩訖竊

臣

一介庸愚屢荷

皇上殊恩由府道而至按察使已邀非分之榮今蒙

天恩命

臣

署理湖北布政使印務復蒙

特授

臣

以陝西布政使兼管河東鹽務聞

命自天感激無地

臣

何人斯疊蒙

隆恩如此之極惟有益加勉勵矢公矢慎不敢少存因

循苟且之心以圖仰報

皇恩於萬一除另行遵例詳請撫臣代為

奏謝外所有微臣感戴下忱合先恭摺奏

聞謹

奏

覽奏謝知道了感恩圖報固好須將汝等漢軍向來陋習滌除淨盡其一切老練巧猾伎倆絲毫勿用惟以公誠之心行平實之政則無往而不合乎繩墨矣竭力勉為之莫負委任

雍正十二年六月初八日西安布政使兼管河東

鹽務

臣楊勗謹

奏為恭繳

硃批諭旨并謝

天恩事竊

臣蒙

皇上天恩補授陝西布政使兼管河東鹽務具摺恭

謝奉到

硃批

臣隨望

闕叩頭謝

恩訖伏念

臣

庸材陋質荷蒙

皇上鴻恩不次擢用既授陝省布政使司復

諭總理河東鹽務責任愈重圖報愈難

臣

惟有凜遵

聖訓益加勉勵竭盡血誠潔已率屬以仰報

高厚隆恩於萬一所有奉到

硃批奏摺理合恭繳竝謝

天恩伏祈

睿鑒謹

奏

今命汝署理湖北撫篆已有旨矣其倍加勉勵以副任用

雍正十二年六月十三日署湖北巡撫臣楊馥謹
奏為恭謝

天恩仰祈

睿鑒事雍正十二年六月初九日接陝西巡撫案驗內
開本日准吏部咨開雍正十二年五月十七日內

閣交出奉

上諭協辦西路軍需副都御史二格已准給假回京其
西路軍需事務著湖北巡撫德齡前往協同署督劉
於義辦理湖北巡撫印務著西安布政使楊祕前往
署理西安布政使印務著河東鹽運使程仁圻前往
署理河東鹽運使印務著大理寺少卿高山前往署
理欽此欽遵到

臣臣

隨恭設香案望

闕叩頭謝

恩訖伏念

臣

謫劣庸材至愚極陋蒙我

皇上特恩補授陝西布政使兼管河東鹽務半載以來

涓埃未報茲復欽承

恩旨著

臣

署理湖北巡撫印務聞

命自天悚惶無地

臣

何人斯膺此封疆重任惟有恪遵

聖訓殫心竭力正已率屬益加黽勉以仰報

聖主高厚隆恩於萬一耳除將陝西布政使司任內一

切軍需錢糧事件備造清冊俟署司程仁圻到任

交代清楚即行起程前赴湖北外所有微臣感激
私忱理合繕摺

奏謝伏乞

皇上睿鑒謹

奏

勉為之母負知遇之恩

雍正十二年七月二十一日署湖北巡撫臣楊秘

謹

奏為恭報微臣起程日期事竊臣蒙

聖恩畀署湖北巡撫茲據署西安布政使程仁圻於七

月十五日到任臣隨將一切經手事件及軍需錢

糧逐一造冊備移交代清楚臣謹於七月二十一

日起程赴楚除一切應行事宜容臣抵任後盡心

辦理不敢貽誤解弛致負

皇上擢用深恩外所有微臣起程赴任日期理合奏

聞伏乞

睿鑒謹

奏

覽奏自陝起程日期已悉撫任統率全省文武更非藩
臬可比將巧宦二字盡情擺脫秉公竭力獎善懲惡務
以實心整飭地方夫居官行政不外察吏除暴為先致
身報國為本倘少涉權譎即虧忠誠忠誠有缺則不能
下協輿情上感

天和也如汝輩老吏以經歷諳練處而論較諸新進後生

何啻霄壤然不能置利害於度外審公私於幾微舞智預為謝過之謀弄巧先覓立脚之地舉凡此等作為皆屬便己之小利有礙奉公之大道究至大道徒乖小利併失向之所謂自便者適所以自害而已類斯顛倒愚昧之見亟須看透將謬妄頽風竭力挽回上益國家下濟生民垂名竹帛遺福子孫不亦美歟勉之

雍正十二年十月十八日署湖北巡撫

臣

楊馥謹

奏為敬陳現在辦理案件事一刑獄事關緊要湖北

府州縣向來承辦

欽部案件率多拖延不結甚至案情游移前後互異疊
叅遲延臣到任後嚴行申飭凡一切塵案徹底查
催隨到隨即審

題竝立三催之法通飭各屬嗣後依限次第辦理務
實力查催務除玩愒積習
除沉擱以省拖累

一今歲秋成豐稔臣前經恭摺奏

聞但小民收穫之後正值錢糧輸納之時誠恐不肖州

縣重耗累民

臣仰體

皇上愛養元元至意多方密訪倘有貪酷劣員并廢弛

吏治實蹟者立即糾叅其書役需索糧戶等弊

臣

是

訪察得實即飭司道嚴提究處不敢寬縱長姦致貽民害

一楚省乃水陸通衢商客雲集之區盜賊最宜防

範

臣與督臣

邁柱不時嚴飭文武各官設法捕緝

並力行保甲以靖盜源其餘私鑄私宰賭博掏摸

此等害苗之莠亟宜剷鋤固不待言更有一種姦匪平
并地方惡棍積蠹姦捕訟師之類均屬民害臣無
居不安其分好事妄為而又踪跡詭秘難可物色尤當
不留心訪拏究懲以安良善臣自分庸愚惟有殫
密訪嚴查不可慢忽

心竭力事事加意整頓不敢一刻懈怠但知識淺

陋恐有不當之處仰懇

皇上天恩時

賜訓誨俾

臣

得有遵循以免貽誤伏祈

聖鑒謹

奏

勉力盡職以副委任

雍正十二年十二月初三日署湖北巡撫

臣楊馥

謹

奏為奏

聞事竊照鹽政最關緊要

臣蒙

皇恩署理湖北巡撫於到任之初即訪察要隘并將鹽政應行事宜檄行鹽道查議復通飭各屬加意巡緝凡與江西淮北長蘆河東川廣接壤之區又經

備移鄰省督撫各嚴疆界設法堵緝在案至本省

一切隘口

臣

復會同督

臣

邁柱不時嚴飭文武各

官并添撥兵役查拏所獲私鹽必根究由來以儆

失察又淮商設立卡巡其法頗善但日久不無懈

弛而原設尚未周密

臣

查卡巡本係各商親友彼

此原無統屬若不分別優劣恐無以示勸懲如緝

私有方者應加獎勵庶各鼓舞急公其疎忽廢弛

者亦當革換俾知儆惕再查各商與牙販行戶買

賣交易多有拖欠情弊呈控有司又復延擱不追
臣思鹽價乃商人血本豈容拖欠隨通飭嚴禁凡
告追之案責成知府勒限催追并令按季造冊報

查以稽勤惰

臣恪遵

聖諭協力辦理夫積引難銷誠宜堵緝鄰私而卡巡懈
弛尤貴分別勸懲至牙販人等拖欠鹽價已經立
法催追如此庶積引漸次疏銷而商本源源接運
以仰副

皇上恤商裕課之至意謹

奏

覽奏裨益鹽政各事宜可謂得其要領詳慎為之

雍正十三年正月十七日署湖北巡撫

臣楊嗣謹

奏為恭報瑞雪事竊照二麥在地全賴冬雪及時則

土膏滋潤茲於十二月三十日午時起至正月初

一日夜省會武昌府及附近漢陽府地方瑞雪續

紛積深尺餘續據黃州安陸德安荊州襄陽鄖陽

歸州等七府州開報同日得雪情形自尺餘至九寸八寸七寸五寸四寸三寸不等通省普沾臣伏思元旦為一歲之首我

皇上敬

天勤民感應如響瑞雪應時而降不惟麥苗益茂抑且預

兆豐年臣曷勝忻慶惟有恪遵

聖訓益加兢惕敬迓

天庥所有湖北瑞雪情形理合恭摺

奏報仰慰

聖懷伏祈

睿鑒謹

奏

履端之辰闔省普霑瑞雪以手加額覽焉

今命汝往撫四川其倍加勉勵蜀省居西南一隅乃邊疆重任務須確秉公忠令屬員誠服兵民感畏方為無忝厥職所交察審事件會同申珠渾詳慎審理毋得絲

毫涉於瞻徇特諭

雍正十三年二月十五日四川巡撫

臣楊勲謹

奏為恭謝

天恩事竊

臣

雍正十三年二月初八日准吏部咨開雍

正十三年正月二十二日奉

上諭四川巡撫員缺著楊勲補授即速赴新任欽此欽

遵移咨到

臣

隨恭設香案望

闕叩頭謝

恩除具本

奏謝外伏念

臣

一介庸愚知識淺陋仰荷

皇上隆恩屢膺重任

臣

矢竭駑駘涓埃未報茲奉

恩旨授

臣

四川巡撫聞

命自

天感愧無地竊思西屬為苗疆邊隅撫綏安輯之道敢

不夙夜圖維而因時因地之法尤貴措施得當

臣

惟有恪遵

聖諭益勵

臣

職事事實心實力刻刻主敬主誠以期仰

答

高深於萬一耳所有感激下悃理合具摺恭謝

天恩伏祈

睿鑒謹

奏

朕惟訓汝竭力勉一公字餘無多諭

雍正十三年五月初八日四川巡撫

臣

楊嗣謩謹

奏竊刑獄之道必須精思熟習講明有素俾臨民治
事判決允當蓋明刑所以弼教我

皇上勵精圖治中外一體初無區別於其間也臣查川
省司道府州縣將一切

題達事件不按成憲率多錯謬甚至刑獄重案援引
議擬輕重失宜有一案之中供看游移情罪互異
兩岐三截顛倒夾雜不明讞法體式難以據入章
奏詢問其故皆以邊末遐方吏胥未諳向來如此

臣數月以來事無巨細詳加指示駁飭復擬格式

高維

立法課督以期漸有成效曾據按察使高維新詳

沿之

新即係因循苟且之首在川不為不久而猶作相稱各州縣豈無留心吏治之人但因循苟且相沿

語更欲沿及何時而後已試看伊之結局可也已久等語臣復檄行通飭各屬因循苟且即非實

心辦事亟宜加意整飭務各去偽存誠始有裨益

若再

因循亦不過如高維新耳以此諄切告誡屢經通飭在案臣覩此情形不敢

因循懈弛惟有立意振刷務期各屬咸知講習吏

行與朕看

治共圖實政以盡臣職而已再川省秋審人犯較

之別省倍多臣檢查各案逐一察核矢公矢慎期於平允以仰副

聖主明慎用刑欽恤民命之至意查通省人犯共計二百五十二起二百六十一犯臣等謹議得楊文炳

等十一一起擬為情實袁述等二百四十二起擬為

緩決楊德美等八起擬為可矜已經會疏具

果弗允當豈此奏所能卸責者乎題在案臣自顧知識淺陋夙夜凜凜猶恐未盡允當

伏祈

皇明史稿卷一百一十五
卷二百十五
皇上睿鑒謹

奏

汝前歷數任於每到之初輒有如是一奏頃汝離楚境
吳應茶接任後據稱伊閱歷數省從未見吏治廢弛如
湖北之甚者汝尚何顏鼓弄脣舌復具此一奏耶今於
斯任若仍前怠忽不實力整飭須防累及身家凡百臣
工但當確秉公忠實心為國盡其在已以奉乃職倘倚
仗權勢惟鑽營是務而欲以巧詐之術欺誑君上殊非

良策夫督撫大吏為全省表率非有司下僚可比一一所行皆至朕前其間是非皎然難逃鑒照豈他人所能周旋護持為福作禍者哉如鄂爾泰今日為朕所倚任即為權勢所在然亦係朕所畀與伊非敢自立權勢也其如無知小人祇圖暫時倚庇絜置利害公私於不計何自茲以往其痛加悔勉更勿以虛飾空言冀邀朕之嘉許慎之戒之

雍正十三年六月初八日四川巡撫

臣楊嗣謹

奏為遵

旨具摺明白回奏竝謝

聖訓事接大學士臣鄂爾泰臣張廷玉字寄內開雍正

十三年五月初五日奉

上諭吳應綦奏摺可抄錄寄與楊秘閱看湖北吏治疲
玩公事廢弛如此楊秘居巡撫之任何以全無整理
亦竝無一字奏聞於朕是何意見若云楊秘在任未
久今吳應綦蒞任未及兩月留心體察便已周知諸

弊楊秘安得以受事日淺自寬其咎乎爾等可傳旨
詢問楊秘令其具摺明白回奏今四川之任若仍如
此瞻徇模稜則大負朕之任用矣決不輕貸欽此遵
旨寄信前來等因到臣欽此隨恭設香案望

闕叩頭謝

恩訖臣跪讀

聖訓不勝惶悚慚懼感極涕零伏念臣質本愚鈍荷蒙
皇恩署理湖北巡撫印務於雍正十二年八月十三日

任事檢查

欽部案件不獨如吳應茶所奏經年累月拖累不結且有疊叅遲延數年未結之案甚至命案有屍傷屢經檢驗未確屍骨疊經易換未明或因要犯未獲難以懸擬或其間司府州縣承審各官正署疊更以致輾轉遷延事多廢弛臣嚴行申飭將一切塵案徹底查催隨到隨即審

題并立三催之法檄行藩臬二司議詳通飭各屬依

限速辦以杜沉擱拖延錮弊所有從前數年塵案
應

題應咨事件

臣

在任半年竭力清理至藩庫錢糧耗

羨尤加意慎重

臣

以受

恩深重凡職分所當為務求實效如屬員中貪贓虧空
并廢弛者立即糾叅斷不敢姑容即書役等弊亦
不時訪拏究懲惟是一省之中司道府廳州縣賢
愚趨避不一每當督撫新任不無觀望之習必待

振作數月方得就理誠如吳應棻所奏地方官吏
如此疲玩倘數月之後仍不能振作另當據實陳
奏請

旨定奪等語此實各省積習使然難逃

聖明洞鑒

臣

於湖北巡撫任內未能整飭驟效皆由

臣

之才疎識淺耳目未週咎實難辭乃蒙

聖恩寬恕復

賜指示誠飭

臣

敬繹

聖訓言言痛切字字深警臣自今以往痛自切責知非

補過凡川省吏治惟有殫心竭力體察整理事事

據實奏請

聖訓指示遵行斷不敢因循苟且瞻徇模稜上負

天恩自貽罪戾理合遵

旨具摺明白回

奏并陳感激下忱叩謝

聖恩伏祈

皇上睿鑒謹

奏

似此認咎直陳不事文飾情尚可恕但當奮興砥礪以期無忝此任否則未必有人能始終庇汝不至覆敗也

同日又

奏為據實奏

聞事竊查鹽茶驛傳道顧贄接受叅道曹源邠交代一

案已逾半載始據造冊請

題臣思該道所管錢糧多至二十三萬有奇豈容違
例不由藩司盤查出結率請具

題臣一面駁飭一面行知藩司乃顧贄遂改用鹽課

宜加等事仍造冊呈送到臣并據面稟曾見邸鈔

他省不用盤查等語臣因顧贄任性偏執隨檢查

廣西福建江西等省盤查成案指示開導嚴行誠

飭伏思定例責成藩司盤查者無非為慎重錢糧

起見詎顧贄始終偏執不識何心臣復留心體察

聞伊所用幕友即叅道曹元邠舊幕竝不關防任其出入無忌保無通同彌縫情弊況此缺甫經新設管理鹽茶驛站職任甚屬緊要必得才具優裕明白諳練之員方能振作有為今通省茶引行銷不均顧贄事多未諳且人非誠實難以深信與其貽誤於後莫若陳

奏於前可否將顧贄改調鄰省簡缺仰懇

聖主特放賢能補授庶鹽茶驛站得人整頓均有裨益

矣是否有當伏候

聖裁謹

奏

所奏是顧贄朕原信伊不及係因督撫保薦而加擢用
非深知灼見之人也有旨諭部矣

同日又

奏為奏

聞勸墾首墾情形仰祈

睿鑒事竊照川省荒僻之地實多可耕之土州縣視勸
墾為具文向多因循苟且並未實力奉行即如欺
隱一項從前雖經查丈仍有不盡不實所當設法
清釐實於

國計民生均有裨益臣於到任後將委員先為試行
緣由一面具摺奏

聞一面敬刊歷年勸墾

上諭通行宣布務使窮鄉僻壤家喻戶曉俾知務本力

農為子孫世守之業臣復會同督臣黃廷桂不時

通飭既不可怠忽因循亦不容急遽圖功轉滋奉

行不善之弊勤者獎之玩者戒之查地方有遠近

難易之分陸續據報通計兩月以來各州縣墾荒

田地竝首出墾熟田地共四十萬一千一百四十

餘畝此內民人首報最多者臣即給扁獎勵以開

其鼓舞急公之心除俟通省報齊分別首墾新墾

上中下則按照年限陞科由司彙核至日臣會同

督_臣黃廷桂察覈另行

題奏外如委員勸墾得法著有成效_臣等覈其實蹟

仰懇

聖恩准予議敘以示獎勵其始終玩忽之員_臣亦即據實

題叅以儆懈弛所有試行兩月已經報出田地四十餘萬畝緣由理合繕摺具

奏伏候

聖訓謹

奏

據奏首報最多者加以獎勵開其急公鼓舞之心固屬
應行但須通盤詳查細較果其勤力墾荒自當獎以示
勸至若今日多報墾熟者即係從前多隱賦稅之輩則
免罪為幸復何功之有該牧令中或有丈量不實妄邀
議敘以致累民者尚當查叅以為冒濫之戒方為合理

同日又

奏為恭請

聖訓事竊照打箭爐口外地方四面環夷為西藏孔道
凡出兵運糧護送喇嘛等事現係署明正宣慰司
土婦喇章承辦查喇章之姑桑結本屬明正土司
之女嫁與木坪土司雍中七立後因明正司乏嗣
桑結回爐襲職即與伊子堅叅達結聘娶金川之
女喇章為妻冀為日後接襲雍正三年桑結身故
先經

題准以董卜宣慰司堅叅達結承襲明正司之職祇
因堅叅達結原係木坪宣慰司雍中七立之子不
過往來兼管竝非常住在爐其打箭爐事務向係
伊妻喇章在彼辦理一切差使急公效順毫無遲
誤雍正十一年堅叅達結病故遺妻喇章駐劄明
正司遺妾王氏么么雖生二子年歲俱屬幼穉難
以承襲先經請將明正土司印務暫令伊妻喇章
署理其董卜土司印務亦請暫令伊妾王氏么么

護理統俟伊子長成之日另請承襲在案惟是土
民賦性愚拙每以署印不同承襲或有緊要事務
恐致呼應不靈今喇章辦理地方甚屬勤謹夷衆
悅服若以喇章承襲以資撫馭似於邊陲有益可
否照伊姑桑結之例妻繼夫職容臣等另疏
題請承襲以專職守以慰夷情出自

皇上天恩臣與督臣黃廷桂商酌意見相同理合繕摺
具

奏伏候

聖訓遵行謹

奏

此事甚有關係其再加詳查確議會疏題請倘該屬員於中或有納賄徇隱蔽情故亦未可定不可不審也

硃批諭旨卷二百十